




七十七

崇禎十年至十三年





國權

鹽官談遷孺木著

戊寅崇禎十一年

正月也丑朔

任立清苑涑水遷安大城定興通州各官貪縱不法 上內訪逮入  
青撫按不先劾為溺職近畿如此遠地可知下部院申飭

丙寅大學士黃士俊罷

臣

戊辰日講官翰林院編脩吳偉業言首臣張志發新猷方始故轍猶  
存其近辨溫體仁曰孤執曰不欺夫體仁當國有唐世濟閣洪學蔡  
奕琛吳振纓胡鍾麟叅贊密謀又有陳履謙張漢儒陸文聲驅除異



已何得謂孤庇樞貳則總理可不設而事敗乃設狗鳳撫則鎮可不  
移而事敗乃移何得謂執家窩巨盜孽子招權何得謂不欺今首臣  
條心改行以收實效臣何敢議如其不然首臣亦何以酬主恩而塞  
輿望耶

已已諭史館四人值召對記注仍閣臣閱進

覈武進縣田額

王故巡撫山東右僉都御史李懋芳追贖成邊

大亭未享太廟

戶科給事中楊鎮原言近來考選卓異既不肯授以計曹故戶部多

破甑任子充數致漏卮日甚乞俸滿望著徑轉計曹庶獎清財理又

以任六年為期精明釐剔徑轉京堂

命巡撫山東顏繼祖防盜徐宿總兵年文綬防鳳陽倪罷防河往來

曹單尋以五營土盜謀引流寇會河南土盜程良才起遂撤巡撫仍

回曹單仍移倪罷徐州

給鄭世子冕弁二服限各親王十年一場

兵科都給事中凌義渠劾廣東總兵官陳謙通夷誘致十餘萬金報

聞

故

壬申光澤鉛山間有棋山妖人稱密燒香為記借無為教謀逆丙

子夜圍鉛山城分守湖東道林日瑞預聞為備旦擊敗之搗棋山破



散其黨... 戊寅工科給事中傅玩初請開福建海禁通市佐餉命部議行之  
巡撫遼東方一藻進兵部左侍郎仍加服俸一級

張四知為禮部左侍郎協理詹事府王鐸為詹事余煌華琪芳黃景

昉為左右庶子... 禮科給事中韓源論詹事吳士元前纂脩要典難玷清班并及余煌

華琪芳不聽... 時值考選發訪單科道加圈或至數十上工疑其情賄於是給事中

傅元初張第元房之騏韓源趙繼鼎馬兆義俱削罰孫晉林正亨王

猷鐫二秩調用劉含輝楊鎮原葉初春劉興秀辜朝薦金蘭葛樞郭

九鼎凌義渠何楷褚德培鐫二秩仍任兵部職方主事郭景昌言考

選之弊請上召對親除... 壬午皇太子冠明日御殿受賀

丙戌吏部主事葛含馨林中鳳來方煒下刑部獄先是福建兵備

魯櫻為鄭芝龍營生浙江被緝命逮之未至芝龍奏前銀係姪授

監又列櫻治狀諭刑部免其入獄詞連含馨含馨奏引方煒

戊子裁南京冗官吏部主事二戶部庫大使五兵部主事二會同館

大使二工部侍郎一主事三都察院御史七昭磨一通政司經歷一

大理寺左右寺丞各一翰林院孔目一詹事府主簿一國子監助教

二光祿寺署正二行人司副一宗人府經歷一生藥局大使一共八



十九員  
癸巳蜀漢中逋租仍賑之

諭曆法仍遵會典行大統曆如交食經緯晦朔弦望許張守登等旁

改推測

已丑翰林院簡討郭之祥請進士二甲以下盡任知縣推官如不歷

州縣毋補部曹不歷部曹毋改翰林科道庶部曹舉職科道不皆由

考選也

撫寧侯朱國弼奪爵仍襲

河南府推官陞安廬道兵備僉事湯開遠言

有取法 皇上法祖 皇太子法皇上是矣從來言教不如身教諸

臣以經史為開陳言教也 皇上以金玉為模範身教也在見天心

在邨民窮在優大僚在容大僚在寬拙吏在薄言利在疏滯獄上

是之

辛卯劉鎬為右僉都御史巡撫遼東

壬辰起李若星兵部右侍郎添設

二月己未朔吏部尚書田唯嘉以保舉試授知州五人知縣二十一人

州同知三人判官五人縣丞主簿各七人其不堪五人罷之

秦賊盡聚川西總督洪承疇檄諸道兵嚴守要害賊乏食承疇以川

師誘之秦兵伏于梓潼伏發斬千餘級總兵曹變蛟從瀉河小徑入

蜀追至茂州大敗之生擒賊目二十人自成逃出蜀匿于岷岷遂投



西番於是馬科守河州祖大弼守羊沙崖口曹變蛟深入西番番報  
自成從沱州逸去裨將金守亮偵賊兩宿發兵追之昧爽大霧四塞  
自成遺男婦萬餘人率百騎復逃潛身終南山月餘自陽平關仍入  
廣元曹變蛟率兵亦至鄉民報自成適登山但山峰壁立官兵步工  
其顛哭聲震谷悉誅之乃自成與田見秀谷英張能十七人碎布衣  
為繩縋崖逸去奔鄖陽擄竹山杆子手結小隊

丙申城蘆溝名拱極城以內臣督役掠塗人受工民力為憊名南門  
曰順治北門曰永昌甲申兩應其兆

己亥致仕刑部右侍郎無錫嚴一鵬年九十巡撫應天張國維請存  
問從之

諭兵部開採山西陝西河南部覆不便而止

壬子許故刑部尚書鄭三俊回籍

甲寅 總兵官尹先民擊賊衡州黃巢嶺敗之

李自成初走蜀獨身入楚依張獻忠不許至竹溪獻忠謀殺之遁去  
乞憐于羅汝才得兵數千行掠閩鄉

丙辰故巡按陝西御史錢守廉贈太僕寺少卿守廉在陝西力瘁卒

故閔其勞

西安大風霾

己未故太僕寺少卿鹿善繼贈大理寺卿謚

立祠故

崔

繼律贈山西按察僉事故

耿之璘贈國子監學正

林贊



庚申起吳姓兵部左侍郎熊奮渭為右僉都御史巡撫浙江林贊為  
右副都御史巡撫廣西劉令譽為右僉都御史巡撫延綏

三月甲子朔范復粹補大理寺少卿

丙寅揀漢部目赤食等六十騎薄張家口講賞明日又二百餘騎脅  
索叅將姜名武乞備之

丁卯大同大雪

戊辰建 犯宣府膳房堡

兵部尚書楊嗣昌薦職方郎中趙光祚

甲戌晉江諸生蔡鼎奏臣嘗西游宣雲見宣之右衛膳房柴溝平野

低墻綿亘數百里雲之鎮邊守口坦迤亦數十里是宣雲之有可慮

也雲中饑菜頻年士馬艱食較宣尤甚巢丕昌孔有德之徒奸謀相

引是不可不早杜也所入果在宣雲則所中必及真定保定彼意以

所未入其掠必厚又意吾備在京在邊愈入愈西則當之愈脆龍門

紫荆綢繆正在此時白 馬水客路吳王諸口尤要彼以全部擁一

口勢不下數萬我欲以數千過之雖廉魏不能待其既入尾後而突

擊其不備探其老營銜枚掩襲此吾便也關內郡縣最衝次衝何城

可守不可守增險設旅擇吏申法關外諸堡或併或棄或增或減在

今日不可不早定也通政司格之不上

丁丑翰林院簡討楊士聰復劾吏部尚書田唯嘉閣臣密報唯嘉為

備時田氏蒼頭下錦衣衛



戊寅大學士賀逢聖致士四科右給事中吳宇英劾孫傳庭令總兵曹變蛟截剿自趨郵縣策應

癸未蔣德璟為右春坊右庶子郭建邦傳永淳為左右通政

覆試河南貢士曹鳳貞下吏科都給事中劉安行獄鳳貞父總督文

衡又安行壻殊墨多塗抹禮科都給事中薛國觀磨勘特寬之兵科

都給事中凌義渠調福建布政司叅政大理寺副孫三杰發其事覆

試二義博謬閣臣猶寬擬工親閱以支離鳳貞除名

誠意伯劉孔昭提督操江

諭兵部責成各道脩練儲備

逮巡撫四川右僉都御史王維章總兵侯良柱初陝西寇自階文破

寧羌趨廣元白水犯龍安府出綿州直犯成都大殺掠仍出階徽向

陝西屯聚

乙酉制勅房禮部郎中兼司經局正字東宮侍書黃應恩削籍下刑

部應恩小人歷事久闕通中外舊制詞臣於殿閣大學士為同官而

中書特從吏即積資至九卿不得鈞禮張至發外入廢掌故應恩挾

中官重示籠絡又為調音心益驕無舊節翰林簡討楊士聰與語不

合立具奏又移書至發責數之至發陰右應恩而應恩撰故總督楊

鶴贈誥文進呈不註職名工怒其違玩楊嗣昌以父鶴跡救不允

大理寺副前庶事府主簿曹奎劾應恩通賄并劾至發遂下應恩獄

論死



吏部尚書田唯嘉免兵科都給事中調福建布政司叅政凌義渠劾  
唯嘉貪黷受周汝弼八千金轉巡撫畏臣發其私因會議解汝弼任

決計逐臣

兼巡撫貴州

丁亥總督川湖雲廣貴州軍務少師兵部尚書兼右都御史朱燮元  
卒燮元字懋和浙江山陰人萬曆壬辰進士授大理評事遷寺正出  
知蘇州有惠政遷廣東按察副使歷陝西按察使分巡隴右進四川  
左右布政使天啓初奢寅叛力守成都進巡撫卒年其亂進總督明  
敏有器度善用入黔蜀多故所向成功安位納土西南賴之洵一代  
偉人也年七十三予祭葬贈太師世錦衣衛指揮使

癸巳戶部主事張縉彥奏臣任清澗知縣於兵情賊勢親見有素蓋  
賊之得勢在深而賊之失勢在止賊之長技在分而賊之窮技在合  
賊之乘時在夏秋而賊之失時在冬春賊之得計在以塘馬戰而老  
營避在以火光近而真營遠賊之失計在行營不知備截殺不相救

臣請一言之昔大賊王嘉胤破河曲據其城延綏巡撫洪承疇率  
曹文詔等奪門砍殺而嘉胤殲李老駙破中部據其城巡撫練國事  
兵道張福臻督兵攻圍而老駙擒神一元破寧塞據其城左光先費  
邑宰等與戰而一元死譚雄破安塞據其城王承恩李卑等攻圍而  
譚雄誅此皆守而不去之賊故速死也是以惠登相馬守應馬盡忠  
等賊破城邑亡筭或本日即出或一二日即出官兵未至已奔走逃  
逆此皆深而不居之賊故緩死也賊入晉豫以來分頭成夥在秦西



安延慶鞏平漢興高維既無處不被賊而汝維開歸南黃穎毫以及  
江北又無處不被賊豈賊真有數十百萬蓋分股以披其黨以牽我  
兵故見多也若可天飛之賊合於鉄角城則盡殲不粘泥之賊合於  
西川亦盡滅即前總督陳奇瑜驅天下之賊盡合漢中一出棧道關  
大困矣政可一鼓而滅乃以招安敗遂至不可復收古人以一日而  
賊數萬者利其合也夏秋之間糧芻盡在場圃田苗足供馬食冬春  
非破城攻堡不能得食官兵促之則尤易故時有利不利也臣在三  
原賊屢掠其地初至則塘墩<sup>馬</sup>數百疾如風雨出沒不常殺民衝兵皆是  
也官兵每偵其老營而後擊不知老營已在數十里外急走矣夜下  
營焚近城廬舍火光蔽空而老營亦在數十里外潛駐官兵望火光  
襲之每墮其計此賊之狡也歎走必其營發烟火使人不知所避若  
乘勢要擊定然狼狽雖有殿奇亦不戀戰以少殺衆端在此持賊不  
難殺在亂其所長而使之短破其所得而使之失直截以攻之抵兵  
馬三四萬為頭敵分兩軍一追一駐更番迭出賊當之必破矣賊黨  
雖數十所觀望先倡不過一二枝盡一股則論嘗不沈事平彙叙縱  
一股則論罰不許報級塞責賊不望風而靡未之有也工是之  
建三萬騎自瀋陽趨白澤宣府偵卒出張家口被執同叛人周元  
忠至請補漢舊賞巡撫劉永祚閱視太監王夢弼俱佯許之徐奏其  
事兵部尚書楊嗣昌請建互市不許

新鄉雨黑水



是春熒惑在大火徘徊氏房占曰宜節章光逝遠戎器

四月甲午朔丙申奪總督洪承疇官保尚書仍侍郎總兵左光先曹變

蛟並奪五級限五月盡賊

戊戌新廠災斃七百餘人

辛丑先是總理熊文燦專主撫盜張獻忠佯許之文燦請貸其罪安

置保康山中報可獻忠求襄陽一郡以屯其軍文燦議餉二萬人獻

忠乞餉十萬人遷延未就至是降於穀城文燦受之於是諸賊益輕

王師遂蔓不可制

進都督王樸太子太保

壬寅兵部職方主事馬成名言臣前官刑部在繫一千五十餘人聚

居蒸鬱乞即審結 上善之

癸卯朱國棟為太常寺少卿

甲辰劉之鳳為刑部尚書

乙巳御經筵訖

項煜待罪不入諭閣臣俾煜回奏又召六部

諸臣楊嗣昌述孟子盈城盈野善戰上刑等語蓋欲款建。借之窺

上指 上曰此孟氏為列國兵爭耳今一屬國雖不能伸九伐之威

何至出漢人下策今後弗復爾。又言湖廣巡撫余應桂任將之失

嗣昌上章引罪

丙午常自裕為南京通政使

戊申先是兵科都給事中姚思孝言開市撫賞目前取一夫機但



不即輕給稍示鄭重彼遂其欲吾亦濟其事何損威失體之有事下  
兵部楊嗣昌覆奏先朝封貢撫賞名甚尊體甚正孟子稱樂天者保  
天下本朝有之今又一時也建「暫退政我好事成事之會密詢邊  
臣各出所長臣不敢偏執以妨大計也  
諭戶部均輸累民其山塘湖蕩仍與蠲豁  
故 馬鳴起贈少傅

大學士張至發罷

己酉大學士孔貞運致仕

夜丑刻熒惑去月僅七八寸至曉逆行尾一度掩於月按成化十一

年癸卯曉刻月犯牛宿猶未如是甚也自春夏至秋熒惑守尾百五

十餘日後去

甲寅魏紹乘為兵部左侍郎協理京營張承王命璿為刑部左右侍

郎

都督僉事劉光祚為總兵官鎮守保定

故 監軍副使黃孫茂贈太常寺卿世外衛副千戶

戊午故 吳賜玉贈江西按察僉事

辛酉 上御中左門召考選諸臣五人為班進問兵食之計知縣

曾就義曰百姓之困皆由吏之不廉使守令俱廉即稍從加派以濟

軍需未為不可 上拔第一永城知縣成仲龍為兵科給事中兵部

主事郭景昌召對稱旨改雲南道御史



楊士聰曰未幾即有剝餉練餉之加實因曾議而決計也夫為政  
須令有餘地雖堯舜在上不能使吏皆廉吏未必廉而加者真加  
困者乃真困也曾豈真昧乎此不過一時逢迎姑借以為功名地  
耳

五月癸亥朔錦衣衛上田氏蒼頭獄命再訊

總督宣大山西軍務兵部左侍郎兼都察院右僉都御史盧象升乞  
守制總督大同山西等處御馬監太監陳貴奏留從之

甲子諭禮部火星違度朕先素服減膳其諸臣各引罪

兵科給事中錢增劾楊嗣昌主款嗣昌引罪

乙丑欽定考選官曾就義李士淳朱天麟黃文煥黃奇遇虞國鎮為

翰林院編脩張縉彥汪偉屠象美馬剛中為簡討王調鼎熊維典李

希沆張希夏張作楫耿始然解學尹成仲龍李清孫承澤吳希哲張

淳為給事中李嗣京秦廷臻汪游龍喻上猷李春泰任濬楊鶚李雲

鴻柯元伯左永圖宗敦一張爾中鄧希忠黃諫卿張懋爵王章蔡鵬

霄陳天工高明衡郭景昌徐養量羅起鳳王聚奎徐必泓甘維榮王

範為試監察御史閻嗣科葉樹聲林景友詹兆恒為南京試監察御

史張若麒沈迅為刑部主事越數日下各部前議可者覆行之

召大臣於中樞門議擇才議戰守

丙寅商周祚為吏部尚書許世蓋為戶部 侍郎督理錢法李覺斯

為工部右侍郎



丁卯主事李焜夏尚綱沈胤培為給事中李預張懋禧宋學朱為試  
監察御史

故劉宇揚贈太常寺少卿

復熒惑退至尾初度漸入心宿

癸酉許總督宣大盧象升守制

錦衣衛指揮鄒國相請稅煤炭不許降國相于戶部

已巳浙江提學僉事劉鱗長言八事曰尊聖道曰郵靖難諸臣曰定

禮制出繼子為本生父母喪服小祥內服斬曰射禮曰訪逸才曰清

偽序曰重教職曰扣久廩蠲諸生優免章下部議

兵部尚書楊嗣昌言聖慮倦、星未順行青服減膳臣聞月食五星

古來變異史不絕書然亦觀其時主德何如政事相感災祥之應不

一其致今茲月食火星在前月已酉寅卯之辰臣臆斷之戊申已酉

納音屬土律應中宮然有陰陽之分戊申陽宮主帝座已酉陰宮主

后妃其時寅卯適值嘉廟成妃發引百官郊奠所謂白衣之會在

陰宮已應主上無庸致疑一也當食之時火星觸月在於上角不

在中央亦不在下主上無庸致疑二也惟是曆載是日火躔尾、

度躔尾十二度相距不遠萬里何為相掩若果掩於心度當在戊申

之亥何為已酉之寅將謂掩於十二度則火方逆行無忽順行五度

之理以此推之必月行見火而遲有將進將退之象其災祥亦可推

也火留守尾始三月戊寅既留而逆復始於丙戌戊寅丙戌納音皆



陽宮至於巳酉陰宮乃觸太陰入而不見斯為月食尾者蒼龍之尾  
水星也火留逆之為守所不勝故其觸月亦不勝而為月食也時方  
黎明月遂西匿若其尚早當復見星貫月而出火星貫月陰國當之  
其國貴人兵死不出五年國亡李唐州郡驪次漢陽上郡入尾則今  
順德永平之間北地西河上郡入尾則今陝西延安慶陽山西汾永  
之地遼東遼西入尾則今河東河西我與建人共之者宋人精義賦  
曰尾箕析木幽燕是稱溟渤碣石高麗暨三韓之所盡自北平保定  
終北紀之所窮是則陰國當之自有其應非臆說也且古月食熒惑  
不為大災蓋亦有之漢光武帝建武二十三年丁未三月月食火星  
其年無事明年匈奴八部大人立呼韓邪單于款五原塞事下公卿  
議者皆以為天下初定中國空虛夷人情偽不可知不可許五軍中  
即將耿國獨以為孝宣故事受之以率厲四夷完復邊郡從之孝明  
帝永平二年己未十二月月食火星頻年無事皇后馬氏德冠後宮  
嘗衣大練明帝圖畫功臣於南宮雲臺馬援以椒房之戚抑不預焉  
唐憲宗元和七年壬辰正月月食熒惑其年田興以魏博來降李絳  
請推心撫納結以大恩遣知制誥裴度至魏博宣慰以錢百十萬緡  
賞軍士六州百姓給復一年宋太宗太平興國三年戊寅七月月掩  
熒惑明年興師滅北漢車駕遂征契丹連年兵敗宰相張齊賢跡聖  
人舉事動出萬全必先本後末安內養外之說進臣愚所聞如此以  
為月食火星猶幸在尾內則陰宮外則陰國王上脩德以召和治



內以威外必有災而不害者若夫火猶逆行五月丁丑當入乎心喻  
旬戊子留而守之六月丙申順執方去心為明堂熒惑廟也五星行  
入廟謹候其命尤不同於尾皇上帝精誠感召星行或不至於心或  
雖至於心而不犯也

楊士聰曰嗣昌此跡論者謂入相之機括所引漢事稱其年無事  
攷之漢書不然建武二十三年正月南郡蠻叛遣武威將軍劉尚  
討平之徙其種人於江夏十二月武陵蠻叛遣尚討之戰於沉水  
尚軍敗沒二十四年武陵蠻復寇臨沅謁者李嵩中山太守馮成  
討之不克二十五年馮援討平之是年匈奴部人始立呼韓邪單  
于內附而嗣昌以為月食火星之明年何與永平二年少府陰就  
子豐坐自殺陵鄉侯梁松坐蜚書誹謗下獄死而圖畫雲臺畫則三  
年事也事雖在近於月食火星有何涉焉以上諸事攷之近日亦  
有相類建南下陷七十餘城而連歲深賊橫於楚分即漢之南  
郡武陵不烈於此矣李武清亡子指揮亦死再踰年而有黃解之  
役天道雖遠何古今之略相似也雖然嗣昌武陵人也年來彈嗣  
昌者輒鐫官抵罪可與劉尚之敗沒李嵩馮成之不克同一例觀  
而嗣昌之誤居誤國憑寵蔑親當亦不媿樂彘之種與  
談遷曰星曆之學非楊嗣昌所諳而推言之類詳意專為建而  
發力主市賞引孟氏引漢款匈奴唐宣慰魏博事以覲一當而借  
月食火星演之化災為祥奸臣之誤人國巧矣哉



丁丑工科都給事中何楷上言火星四月十六夜逆行至尾八度為月所掩今五月望日已退至尾初度漸次入心右人皆言月變脩刑又言禮虧則罰見熒惑誠欲措刑莫如右禮誠如右禮蓋先省刑今爰書之贖極矣部司議宥止重辟數人而未結之案先後繫、誰復過而問焉會典熟審事例有輕重囚犯作急問理及出獄聽候之令今亦可倣而行否楊嗣昌縷、援引出何典記引建武款塞故事欲借以伸市賞之說也引元和宣慰故事欲借以伸招撫之說也引太平興國連年兵敗故事欲借以伸不敢用兵之說也至熒惑出入以其所舍命國載在史記漢書甚明即守犯心尾各有其占不專於明堂 皇上精晰圖籍必垂洞鑒嗣昌附會誠巧至永平二年所述皇后馮氏等語更不知意所指斥安在且前言后妃後言陰宮一篇之中三致意焉是何為者耶嗣昌奏辨於市賞招撫不置論但言科臣挑激危機中臣隱禍蓋指雲臺椒房一事也

中書舍人陳龍正言夏至祭地預請冬至先一日迎陽南郊或曰以禮經諸史未有明文攷易復卦大象云雷在地中復先王以至日閉關商旅不行后不省方便先王以至日南郊其為省方也大矣孔子垂訓彰、如是庸得膠泥舊文不求至當耶或曰南郊果先一日如北郊何曰陰本靜方其初生以靜承之陽本動方其初生貴養之以靜北郊宜至日南郊宜至先一日報聞

戊寅遵化喜峰口雪三尺



壬午李若星為兵部左侍郎兼右僉都御史總督川湖雲廣軍務兼  
巡撫貴州  
丙戌始定高墻罪宗五年審例又京師官民殊死以下許保候即結  
丁亥施邦曜為南京光祿寺卿  
己丑詹事姚明恭王鐸為禮部右侍郎教習館員  
庚寅中書舍人陳龍正言頃蒙聖恩許徒派以下悉聽保候實踰望  
外臣更有請者惟是小民死罪尚祈聖明大擴好生之仁人命至重  
痛極輒自誣故不肯專信而取無疑不務必得而甘或失惟至明至  
聖如虞聖然後存此疑能居此失耳今日皇仁已霽天心已擇因已  
行之德意擴而充之於民間重犯細求疑情廣開三面臣不敢避妄  
言之愆報聞

六月壬辰朔癸巳安民賑災傷萬餘人武庫幾空發五千金賑卹

孟周祚為大理寺卿陳新甲為兵部右侍郎兼右僉都御史總督宣  
大山西軍務先是有旨并推在籍守制蓋楊嗣昌為新甲地也

雲南道御史郭景昌論大學士孔貞運奪俸三月

乙未南京戶科給事中張焜芳劾前吏部尚書田唯嘉及前巡鹽兩  
淮御史史堃盜鹽課二十一萬寄中書舍人汪機家命奪機官并按  
之巡視兩淮鹽法太監楊顯名亦叅唯嘉堃命逮堃下刑部獄

丁酉湖廣道試御史林蘭友劾大學士張至發票擬屢誤經畫無聞  
薛國觀為禮科時磨勘曹鳳貞試卷知其悖謬瞻徇不舉吏部尚書



田唯嘉鸞權集賄已有繁言兵部尚書楊嗣昌一聞胡騎束手無策  
惟言市言賞苟且僥倖是豈皇上所以奪情意乎忤旨謫浙江按  
察知事

辛丑起惠世揚兵部右侍郎

壬寅戶部主事李鳳鳴言火星逆行常而非變禮科給事中解學尹

糾其謫

癸卯中書舍人陳龍正上言今之輔臣職無不統世廟寶訓云此

官雖無相名實有相職洋聖謨至矣哉夫明相職然後可辨相才

相職云何居恒則位置六卿有事則謀定大將是也頃者輔臣嘗數

人不為不盛然未聞搜訪逸才足民裕國安內攘外為已任而分至

尊之憂哉豈真無心報主退然甘讓古名臣亦多謂票擬之外無他

習慣而然耳臣愚以為今後凡卿貳專聞會推各以保舉責之歲月

之間總計所薦多稱職即其輔賢多曠官即其輔不逮將得其人而

戢寇弭即其輔功將非其才而兵驕寇熾即其輔咎又曰頃自行入

司副倪元珙請輔臣票擬各自注名票擬之職全在處理持平果是

非見真自應徹終如始

丙午張其平進都察院右副都御史

吏部會推閣員不允命再酌之謂詞臣不拘資序前旨甚明何濫拘

游移也其併推在籍堪任者

己酉召吏部尚書商周祚等於中極殿時推馮元飈巡撫陝西



以元颺非巡撫才召對三十餘人各問兵食戶部尚書程國祥言  
京師賃房月租及天下會館住人出脩理若干可得五十萬工部右  
侍郎蔡國用言崇文宣武門街石除中道外餘培脩外城  
總督兩廣張鏡心至韶州巡撫偏沅陳睿謨至桂陽巡撫廣西林贊  
至全州巡撫南贛王之艮至南安會師剿寇

辛亥故示孫贊化贈都察院左都御史

逮巡撫湖廣右僉都御史余應桂

甲寅鍾价為都察院右僉都御史

乙卯吏部侍郎劉宇亮禮部侍郎傅冠戶部尚書程國祥兵部

尚書楊嗣昌工部右侍郎蔡國用都察院左僉都御史薛國觀俱改

禮部尚書禮部右侍郎方逢年大理寺少卿范復粹並進禮部左侍

郎並兼東閣大學士直文淵閣嗣昌仍署兵部

丙辰進盧象升兵部尚書仍總督候代

丁巳武英殿中書舍人許曦訐奏故庶吉士鄭鄮杖母汚妹媳章下

法司

庚申董羽宸為吏部左侍郎方孔炤為右僉都御史巡撫湖廣

是月南北直隸山東河南大旱蝗

建屯大青求款巡撫遼東方一藻以聞言敵強我弱引隆慶封條

荅故事兵部尚書楊嗣昌陰主之總督宣大盧象升言講市不講賞

許揄漢不許建



七月壬戌朔命楊嗣昌大祀大慶暨傳制頒詔諸大典不預直閣素服朝講召見如常服隨班其入直受事俱如所請嗣昌奏先理部務早則早入直晚則晚入直倘竟日晚則免臣入臣父服歷二十四日母服歷二十一日然嗣昌於丁丑二月趨朝時父服闋十八日母服纔五月也若奪情之命又先乎此

癸亥溫體仁卒體仁字長卿烏程人萬曆戊戌進士改庶吉士授翰林院編脩歷司業諭德庶子少詹事壬戌進禮部右侍郎甲子轉左憂去丁卯十二月起南京禮部尚書崇禎戊辰二月改北協理詹事府十二月訐錢謙益枚卜不公大為朝議所訾明年六月兼東閣大學士直閣歷左柱國少師兼太子太師吏部尚書中極殿大學士癸酉六月罷忤刻險陰釀禍國家卒贈太傅謚文忠迨甲申弘光朝有旨奸佞異常貽毒深遠奪廢謚以昭公道隆武乙酉從之乙丑工科給事中何楷論楊嗣昌入閣吉服忘親有旨責楷苛求戊辰郭建邦為太僕寺卿

詔責總理熊文燦

少詹事兼翰林院侍講學士黃道周言宣大總督部推有在籍守制之旨遂舉陳新甲天下即無才未宜移借及此也聖主焦勞十年卒欲與不祥之人拂拭之責其成功萬不可況比來寧錦偵胡尚未越塞而宣雲警報云九營十營衣青蟒甚多且如議賞兵部云義州馬市可昇陛下亦思諸臣豈無一定策效謀者而空破非常之格



以奉不祥之人也楊嗣昌奏辨不問道周又力斥款議曰無論建  
必不可款。必不可成。必不可久即款矣成矣以視寧錦遵  
薊宣大之師何處可撤而遽謂款建。之後可撤兵中原以討沐  
此亦不思之甚矣

談遷曰異時建款塞中外陰匡其說天子未之許時疑建  
何事須款直窺我耳頃聞彼初志頗慘切非詔也若然則深憂過  
計之臣不無膠泥乎哉曰否。匈奴和親頡利受盟曾幾何時即  
鳴鑼蝟向於塞下今敵強我弱又中行說李信之派以翼之城守  
堅瑕兵甲聚散如燭照數計然肯交臂奉約束等於俺荅必不然  
之數也或一二歲無逞勢亦邀索不已徇之難廢持之易離與其

悔後曷若慎始故廟謨堅定雖無救於敗要未敢以為非也

已巳科給事中熊維典糾吏部尚書商周祚徇私周祚引疾不許  
召文武大臣於平臺及少詹事黃道周上諭吏部尚書商周祚枚

卜濫徇周祚引咎諭戶部右侍郎許世蓋豫餉次問楊嗣昌建哨  
騎六千又送砲各路奈何對曰今秋敵入事殆未然又塞外險阻車

非所便次問刑部劉之鳳王命璿次問工部劉遵憲李覺斯次問都

察院左都御史鍾炘徐鑛等各對訖次問道周曰朕自經筵來頗知  
學問無所為而為之謂天理有所為而為之謂人欲爾前跡時適枚  
卜果無所為乎對曰無所私上曰前月二十一日推陳新甲何不  
跡為對曰先草上未刻晚止上曰三跡誰止之曰同鄉御史林蘭



友給事中何楷有跡恐嫌疑 上曰今遂無嫌乎曰以天下綱常邊  
疆大計失今不言後無及矣 上曰頃聞言路何必今日曰在先可  
不言今嗣昌簡任所惜綱常名義非私也 上曰清雖美德不可傲  
物遂非我 太祖祖訓云俗儒是古非今奸吏舞文弄法政是此輩  
伯夷為聖之清若小廉曲謹不受餽遺止為廉未為清道周曰伯夷  
大節可觀心事明淨孔子遂許其仁 上怒其強說道周又極詆楊  
嗣昌奪情嗣昌出曰臣不生於空桑豈不知父母臣嘗再辭但明旨  
敦迫黃道周學行人宗今跡上自謂臣不如鄭鄲臣始太息絕望古  
人有言禽獸知母而不知父鄲之杖母出禽獸下道周又不如鄲何  
言綱常 上曰對君有體前疏綱常後橫詈耳道周曰臣實過激

上曰爾污蠱大臣總有別故曰臣不忍見奪情 上曰若然何不如  
鄭鄲也曰臣文章不如鄭鄲 上責其朋比道周曰衆惡必察 上  
曰嗣昌薦陳新甲何云邪徑曰臣不識新甲但蜀人皆言之 須兩三  
盧象升可司馬不可政府 上曰今人有所為尤在綱常名教道周  
綱常名教非臣一人之私 上以救鄭鄲責之對曰宋人惡李定不  
服喪賜林績粟帛以風之臣如救鄭鄲而恭楊嗣昌非所以救鄲也  
上命其明說對曰古今獨立敢言之人少諛諂面譽之人多臣得  
不言 上曰孔子誅少正卯當時亦稱聞人以心逆而險行僻而堅  
言偽而辨順非而澤記醜而博不免孔子之誅今之人多類此道周  
曰少正卯心在欺世盜名臣心無私 上以褊激恣口叱道周去道



周曰臣今日不盡言則臣負陛下陛下今日殺臣則臣負臣  
言上曰爾讀書多年祇成佞口道周又辨忠佞之分上怒甚嗣昌  
乞優容上曰道周放膽嗣昌言彼負盛名上曰此即優容矣諸  
臣退命上召回諭以母黨同伐異耳共脩職業  
談遷曰人主之威猶雷霆也人臣召對往往十不達一二伺指望  
色茅靡波隨比、然也先帝天性嚴重唐爾選危於前黃道周  
見於後勁氣直詞百折不挫傾朝所未有也而黃稍褊激力稱鄭  
鄂已失其倫至佞宰藉口天子忤色孔氏深信宰予將無同乎  
時無赭澆黃土惜哉

壬申趣錦衣衛以鄭鄂獄

八月辛卯朔壬辰李夢辰為大理寺右少卿

總督洪承疇報陝西賊剿降略盡命出關向河南湖廣

癸巳禮科給事中解學彜劾巡撫河南常道立塘報大捷與總監劉

元斌盧九德所報互異殺良飾罪

丙申翰林院簡討馬士驊上記注命補其遺

丁酉安定門火藥局復災國子祭酒陳演方主祭磚中其臂自四月

六月屢見警

楊士聰曰時內操方盛無歲不變而戎寅為甚迨後辛巳罷內操

餘年餘而火變亦絕得非以類而相召與

夜熒惑復故度



己亥李維貞為南京尚寶司卿

癸卯派寇自虹縣陷睢寧

乙巳廣西道御史楊鶚言臣縣武陵故交趾左叅政馮貴故貴州提學副使蔣信故貢士冀元亨並宜賜謚章下所司

起姚應嘉南京太常寺卿

勅戒嘉定伯周奎左都督田弘遇右都督袁祐務速善使子弟仁讓庶藉近戚以倡衆親倘泛視故違祖宗之法其誰敢私

諭外戚郭振明等曰皇親駙馬之家姻聯帝室祿享天禧回視閭閻

不啻天淵亦足矣仁人君子當此遭際必安心守分不負國恩厚德

養儉以保身名乃有萬葉禮法或濫交覬權至縱令惡棍魚肉小民

受獻霸占科道瞻徇有司畏忌彼輩、細民含冤抱恨惟詛誣呼號

而已天怒降殃國法因貸幽則嗣斬顯則身刑人鬼交責即拊心自

悔嗟何及矣我宣宗章皇帝外戚事釐分別善惡各有報驗足示

勸戒特賜省覽蓋不干法紀即是尊君不思害人即是積德在國恩

禮無虧於己身名俱泰何其美也時外戚張春等數家誑財虐民每

徵子錢奪人田宅子女故有此諭

己酉吏部奏言廢諸臣陳子柱劉宗周王志道鄧英李化龍吳家周

魏呈潤莊鰲獻李汝燦王績燦詹爾選吳彥芳吳執御李曰輔命再

覈奏

辛亥李玄為戶部左侍郎陳演為少詹事署國子祭酒黃起有為左



春坊左庶子  
癸丑大學士傅冠予告

已未逮前兵部職方郎中苗思順思順居家怙勢蓄養亡命為奸利  
寧陵知縣孟養浩以聞

屬夷哈喇慎求款市總督宣大盧象升以聞

羅汝才會群盜惠登相常國安賀一龍于陝州遂南掠內鄉浙川犯

襄陽

九月庚申朔辛酉青吏部日者甄別京堂僅借數人調南京或回籍曲

示調停其仍議之

壬戌寇陷五河縣

建入墻子路待青山之衆以越遷安薄豐潤遼東副總兵丁志祥

竇濬等來援夜戰斬十九級而退建南不

十月庚寅朔辛卯戶科右給事中鄒士楷論保舉法德行宜重濫舉宜

嚴考核宜詳上善之

嚴京師守備徵遼東前鋒總兵祖大壽入援留遼撫方一藻關撫朱

國棟勦撫陳祖苞分守命總督宣大盧象升以總兵楊國柱虎大威

進易州出其左且陞見移青登天津之兵出其右檄總兵劉澤清以

山東兵過其前高超潛為應援

癸巳召文武大臣及總督盧象升於武英殿上問象升方略對曰

命臣督師臣意主戰上色動久之不懌曰朝廷原未云撫所云撫



乃外議耳象升曰敵之所忌者、宜防偏陵寢以震人心可慮也趨  
神京以撼根本可慮也分出畿南剽掠旁郡扼我糧道可慮也厚集  
我兵備之則寡發而多失分兵四應則散出無功兵少則不備食少  
則生亂此禦之難也良上壯之命出與本兵楊嗣昌議象升主戰嗣  
昌消阻斷、不能語徒戒勿浪戰象升起別還昌平  
甲午盧象升以兵三萬扼昌平然胡騎日南不可遏象升令諸帥各  
選勦卒於十月望夜分四路襲敵營約刃必見血人必帶傷馬必喘  
汗違者斬總監高起潛遺書泥之曰聞雪復下蔡州未聞以月夜且  
竒師尤宜用寡種、阻撓象升請分兵楊嗣昌以宣府大同山西兵  
屬象升蹄二萬象升刻期誓師於鞏華城慷慨涕下如雨嗣昌不能  
平思阻之擬旨令赴通州就總監高起潛象升不赴嗣昌奏敵南下  
總督應趨通州就監敵未下總監應趨京就督象升歎曰本兵不過  
令總監撓我師期耳甚會嗣昌赴軍中象升曰公等堅意撫獨不  
言城下之盟春秋耻之乎且某叨印劍長安口舌如鋒倘唯、從議  
表崇煥之禍立至縱不畏禍寧不念衰衣引紼之身既不能移孝作  
忠奮身報國將忠孝胥失何顏面立人世乎嗣昌色戰奮言曰公直  
以尚方劍加我頸乎象升曰尚方劍須先我頸如不殲敵未易加人  
舍戰言撫非某所知也嗣昌曰從未言撫象升曰周元忠赴彼講款  
數日往來其事始蒞鎮督監受成本兵通國共聞誰可諱也周元忠  
蓋替人賣卜者善遠人故遣之建、以事大而專令替人來直玩我



欲斬元忠乞哀而止時上憂邊嗣昌密奏曰臣惟胡馬不南耳果  
盡南不過捐數十城我援師麇集可使隻蹄不返工善之  
壬寅吏部尚書商周祚請召孫傳庭於陝西出潼關移山東巡撫顏  
繼祖守德州從之於是檄延寧甘肅剿寇之兵咸剿胡孫傳庭以降  
將白廣恩王根子等領萬人出關總督洪承疇以左先馬科柴時  
華副總兵張天祿尤捷崔仲亨賀人龍劉先先王存仁王孟顏金守  
亮李國禎阿吉素等領四萬人繼出潼關合兵十五萬  
癸卯故協理京營戎政兵部尚書閔夢得贈太子太傅  
甲辰盧象升襲建一失利  
高起潛部將劉伯祿敗於蘆溝橋

庚戌常自裕為南京戶部右侍郎兼右僉都御史總督糧儲趙光祚  
為右僉都御史巡撫密雲

壬子傅永淳孫必顯為兵部左右侍郎

諭總漕分監各太監盧維寧崔進楊顯名從使收糧入城毋踈失

戊午兵部一主事沈迅請增設畿南兵備山東巡撫不得離德州

楊嗣昌覆從之於是定州蠡縣廣平河間各增兵備道一改沈迅為

兵科給事中

洪承疇孫傳庭率諸將先後出潼關入援羅汝才聞之謂其勦已也  
率九營從鄖陽淺渚亂派而涉走均州叩太和山提督太監李維政  
乞撫維政言于文燦檄止諸軍上言請貸其罪令諸將宴汝才于迎



恩官署授游擊將軍供億甚備  
十一月己未朔辛酉京師閉門自守  
壬戌王田教諭陳欽命走多羅崕士民俱奔諸生桑開基勸死守衆  
唾之知縣楊初芳亦走尋入城

癸亥建丁掠良鄉高陽涿州趨河間自入塞分四道一趨滄霸一趨  
山東濟南一趨臨清一趨彰德衛輝

甲子前吏部尚書田唯嘉子敬宗在獄捐助不許後遣戍援恩例納  
贖千金

丙寅召對文武大臣詞林亦集內侍入告乃并召工科都給事中范  
淑泰淑泰曰今敵已臨城尚無定議不知戰乎款乎上問誰款曰  
外間有此議又凡涉警報秘不傳俱諱其事工曰機事不抄傳如

行間塘報可禁也是日工意憂餉詎寺丞戈允禮即言借貸淑

泰曰戎事在於行法令法不行而憂餉即天雨金地雨粟何濟工

曰朝廷何嘗不欲行法大學士劉宇亮自請視師工壯之旋又自

改察閱頗不當工意

翰林院編脩楊廷麟改兵部贊畫主事赴總督盧象升行營先是廷

麟上言陛下有捷伐之志大臣無禦侮之才始建丁未犯塞高起

潛方一藻曰當款楊嗣昌亦曰當款吳阿衡曰款必可恃嗣昌曰亦

款必可恃表裡煽謀宣情泄弱大言張虜恐喝國中以抗聖諭四夷

聞之咸有侮心一旦東西從約墻頓失守款之誤國遂至猶豫不斷



以至此極也誠及此時陛下赫然一怒明正言款之罪諭督臣集諸路援師不從中制及今一創必將東遁後陣聞之不敢再犯其次在擇士其次在據勢在次在用間今事鮮任人嗣昌聞人語戰未敵色變繇此立志何以致功凡天下之功不成於智而成於愚者之才不生於巧而生於拙陛下使諸臣以學自衛以愚衛國三捷之章豈曰乏人乎又曰南仲在內李綱無功潛善秉成宗澤陷恨國有若人非社稷福既改官從軍象升曰敵勢盛官兵趣之不返陵即走京我兵寡食之不戰敵益輕我戰即生他端公為我往真定與撫按乞糧我且悉兵誓一死報國矣

建犯定州

十二談遷曰世言高陽福相每行邊輒弛警蓋其人魁梧多智曉諳邊事然再出鎮卻敵千里之外及憑一孤城卒覆巢破卵抑福未可長特耶馮氏保涿州而有餘孫氏保高陽而不足二相軒輊懸甚而堅瑕相反此其故又未易解也

癸酉建 連陷衡水武邑棗強雞澤文安霸州阜城

甲戌丁啟睿為右僉都御史巡撫陝西

丁丑令孫傳庭暫駐真定總兵劉光祚左良玉屬之

戊寅巡撫順天右副都御史陳祖苞免楊繩武為右僉都御史整飭

薊州邊備巡撫順天

庚辰建 圍威縣明日陷殺邑人翰林院

王建極建極天啓乙



丑進士 國英 樂 肥 日 節 楚 子 八 餘 林 冠 王 數 並 數 動 天 益 子

甲申括廢銅鑄錢

乙酉朱國柱為右僉都御史巡撫山海永平贊理軍務

山東總兵官倪寵入援抵德州而返工責之

建 薄德州渡河歷臨清多道一趨高唐一趨濟寧合於濟南

丙戌建 至內立知縣高翔漢力守踰旬始退

羅汝才既撫分屯群盜于房縣竹山鄆西均州言不願為官食餉惟

為民耕田此冲而已文燦檄汝才散脅從簡曉壯立功汝才不聽與

居民錯壤而居時張獻忠亦就撫屯穀城汝才逆與為聲援

十二月己丑朔庚寅翰林院簡討屠象美以薦刑部主事張鳳翥召對

被酒失所言象美謝罪

辛卯諭大學士劉宇亮督察各鎮援兵奪盧象升兵部尚書以侍郎

總督仍同高起潛戴罪夾剿初以孫傳庭代象升大學士薛國觀楊

嗣昌面奏臨敵易帥恐緩師期不若留象升責其後效

壬辰建 入臨治

乙未吏部尚書高周祚以贍狗溺職削籍

丁酉命總督洪承疇入援時建 破深州知州孫士美死之後贈太

僕寺少卿連陷平鄉南和沙河元氏贊皇臨城高邑獻縣

戊戌賜孫傳庭尚方劍總督各鎮援兵

庚子大學士方逢年罷逢年召對不稱者辭



總督宣大兵部右侍郎盧象升戰賈庄敗績死之象升所部兵不滿  
萬而建分道一自易州趨真定一自新城趨河間一自涿州趨定  
興勢尤劇象升戰慶都斬百餘級總兵楊國柱虎大威又戰殺傷相  
當象升銳志合兵伺其隙有旨切責象升遂分兵援真定身至保定  
決戰至藁城謂兵部贊畫主事楊廷麟曰公回真定手書求高起潛  
相援起潛不報近營五十里竟走臨清象升將兵五千乏食哀呼莫  
之應晨出帳北向拜曰吾與爾輩並受國恩患不得死勿患不得生  
衆皆泣於是拔寨兼程至賈莊擊敵射一騎敵合圍進我軍疾馳衝  
之敵退象升曰今雖勝彼必忿集甲乘我慎勿怠明日敵突我營象  
升曰誰為我取彼者總兵虎大威馳戰不勝且卻象升大呼曰虎將  
軍今吾效命之秋也毋自愛乃拍後騎皆往奮刀督戰身中二矢二  
刃猶號呼不已馬蹶遇害年三十九虎大威楊國柱皆潰圍以出高  
起潛聞之欲西走皇遽仍東行二十里值敵伏師潰侯拱極失平遼  
將軍印起潛僅以身免大學士劉宇亮次定州聞敗仆地遂入保定  
總督孫傳庭行營而盧象升以楊嗣昌高起潛妬之謂象升實不死  
踰四年予祭塋贈戶部尚書謚忠烈

楊士聰曰盧象升死於賈莊以高起潛促之感情出戰而死共亡  
萬計千總張國棟報兵部楊嗣昌問其始末欲增飾退怯之狀據  
以上聞國棟不肯嗣昌怒夾之者五終不易口但曰死則死耳忠  
臣而以為逗力戰而以為怯何不可誣也



談遷曰未有權臣在內而大將能立功於外者武陵當國盧總督  
不戰死即當獄死一等耳寧死於戰賈莊雖敗結髮幸一當匈奴  
亦計無復之矣關寧之帥不欲戰宣雲之帥不任戰風塵多故至  
令封疆之臣亡論堅怯惟要人齟齬之是懼嗚呼尚忍言之哉且  
也暴骨原野亦無可罪必深文誣構豈以張春事概誅其身後乎  
遺議程詠恩彭惟蓋末世所論功罪寧有定乎

進葉廷桂都察院右副都御史  
丁未總師失利楊嗣昌鎬三級失城各官余世名鄭以誠侯光國葉

夢熊逮下刑部論辟許中允戎邊劉默等削籍

甲寅劉曰俊為右僉都御史巡撫密雲督理軍務

御馬太監邊永清分守薊鎮西協

乙卯建 陷東昌我援師雖集俱觀望縱敵中外切齒

丙辰張其平免黎王田為右僉都御史巡撫保定提督紫荆等關王

田以 同知半年遷昌平道僉事踰月開府最速化

兵部贊畫主事楊廷麟以盧象升事聞 上謂大臣陣亡死雖事由

其調度舛錯蓋楊嗣昌中之也太監高起潛懼并罪諱象升死楊嗣

昌遣帳下督三人往驗報死狀痛鞭之其二人模稜獨俞某曰盧總

督實戰沒不可誣也竟斃杖下巡按御史 下順德知府于穎覈

之類曰日從定州城外得其骸雜沖切矢血漬麻衣上設祭哭軍民

雨泣事始白



建三連陷昌平賢坻平谷薊霸景趙清河良鄉

丁巳建口陷玉田知縣楊初芳降諸生桑開基死之工若崇興到

督督燬城示不盡也竟焚於不復知縣史之何不即謝味而于

昌並鄉不督三入封鎮碑玉知縣高燦之其二人歎歎而命其曰

其歸與於歸盡無同昌中之也夫盪高其德野在歸歸者托

其時督盡至軍於其縣也盡者作東間一五歸大因朝上必

田地其地同以平平聖昌平聖會會命自付所身聖山

丙辰聖聖聖聖聖聖聖聖聖聖聖聖聖聖聖聖聖聖聖聖聖

丁巳聖聖聖聖聖聖聖聖聖聖聖聖聖聖聖聖聖聖聖聖聖

己卯崇禎十二年

正月己未朔

庚申建 陷濟南先是巡撫顏繼祖奉命移德州建 猝至梯城而

上吏卒駭走巡按御史宋學朱方肩輿出院聞敵登西城役隸俱奔

學朱遇害不得其骸同時左布政使桐城張秉文督糧副使孝感鄧

謙濟南副道使黃岡周之訓都轉鹽運使 唐世熊濟南知府醴

泉苟好善同知 陳虞胤通判 熊獻歷城知縣蒲州韓承宣

臨邑知縣 宋希堯武城知縣 李承芳博平知縣 張列

宿荏平知縣 黃建極俱死之提學副使翁鴻業推官陸燦俱遁

不知所終德王由樞被執諸郡王並見殺濟南發掠一空



談遷曰濟南一大都會也磐石之宗干城之任謂百世可賴乃晨  
而攻夕陷魯無旬日之守則玩愒知久戎備寘而弗講也撫標財三  
朝千人顏繼祖移守德州時難兼顧而諸臣俱選懦不任懾則維經  
泉點則兔脫塗炭生靈禍傾青社自濟南始其後諸王失國相蔓延  
而未有已也漢安平王緒為張角所掠國家贖王得還朝議復國  
李燮言緒在國無政為妖賊所擄守藩不稱損辱聖朝不宜復國  
議者不同緒竟歸藩輸作左枝德王事政同措無以安平王例之  
長棄異域深俘沒齒悲夫

總兵楊國柱虎大威奪秩令募自效

故貴州按察使孫元恕子光前求加卹謂已廕贈不許故萊州知府  
朱萬年子貞元求卹許之

任城建簡陷青縣自臨清分攻

副總兵祖寬三百騎援濟南敗沒寬本胡維為祖大壽侍兒敢戰

翰林院簡討楊士聰予告

乙丑叙緝奸功東廠太監王之心及曹化淳廕錦衣衛百戶李經芳

廕試百戶

丙寅享太廟

丁卯林棟隆為刑部右侍郎

吏科都給事中郭九鼎請行營設監軍專紀功罪從之

戊辰督察大學士劉宇亮總督孫傳庭會兵十八萬自晉州援濟南



祖大壽亦自登青至  
命雲南道御史郭景昌巡按山東及覈共事情形景昌至瘞濟南城  
中積屍十三萬餘悉發倉粟賑貧民

己巳李先春為都察院左僉都御史

壬申甄淑改刑部尚書蕭奕輔為右僉都御史巡撫福建

甲戌建自濟南臨東平

乙亥臨莘縣復至濟寧臨清固城

丙子兵科給事中沈迅薦張縉彥任濬黃奇遇涂必泓張若麒於是  
翰林院簡討張縉彥改兵科都給事中

建 陷營立館陶

巡撫河南右副都御史常道三削籍以縱寇渡河也

甲申建至張秋東平陷汶上焚康莊驛攻兗州距徐州百餘里居

人南渡安慶巡撫史可法駐徐州督察大學士劉宇亮總督孫傳庭

等會師於大城

丙戌巡按蘓松常鎮御史王志舉薦地方人才王在晉許譽卿周鑑

賀王盛等工責其私濫

丁亥莊欽隣為吏部尚書鄭崇儉為兵部右侍郎兼右僉都御史總

督陝西三邊軍務昌平道僉事李仙風為右僉都御史巡撫河南

姚明恭張四知為禮部左右侍郎兼翰林院侍讀學士文安之為南

京國子祭酒



戎子楊御藩仍原官總兵鎮守山東

閱視太監高起潛奏德王幼子五歲內臣張國忠等搗匿民間命覈

之

大學士楊嗣昌請移登萊總兵於臨清護南北倉又郡縣鄉兵或改  
府佐為將領或改州佐為守備縣佐為把總否則裁儒學訓導一員  
代補武秩文武相兼古制也市馬西寧道遠近地馬弱宜以各鎮朋  
椿銀委官買山東河南北馬如路將給百匹守備把總給五十匹放  
牧孳生十年內將見蓄息

上是之

建中攻滄州青縣趨天津

是月翰林院編脩吳偉業上言今日防危極矣皇上當下哀痛之

詔憫人罪已思咎懼災弔死卹忠賞功禁暴使父老子弟悲憤同仇

人心勃然戰氣自倍夫臨清一州耳賈人千金購士輒用破賊今以

京師之大公侯貴戚之盛皇上召之使殿忠義激之共捐家財以

募死士更出空頭告身數百道懸犒有功使入敵營燒其輜重毒其

水草臣以為敵氣已惰陛下威靈四暢敵必遁迹但敵去之後方

勞聖慮耳今日之計亟遣知兵大臣選銳九邊再益以川浙兵各數

千人預防今秋然後大更法制上下軍民日夜事戰彼不過一州之

地其所用降人降將非盡知兵也但彼飲食長技皆與兵合我之飲

食長技皆與兵反士大夫狃安習故曰毋動為大耳是以坐困苟非

曠然盡變其俗臣知中國不能以一歲為安矣衛所者高皇帝所



以脩郡縣之備也事久寢微虛糜廢弱今宜清餉覈軍甄用世職其  
不任者汰之以授有功特令大臣典護一省衛所許其微辟收召義  
勇互相唇齒以壯干楨且民兵法壞極矣兵燹之後百姓畏死樂生  
得縣將倡率團結訓練數歲之內可成勅兵若夫備邊之道在乎選  
將守國之道在乎食足今省試武科半出情面京營聽用不過粗才  
誠倣保舉之制大州縣十人次六人州縣以上之府、以上之撫按  
兵部覈而校閱之設有不稱嚴坐舉者禮數既優士樂為用矯、虎  
臣端出於此然足食則京師根本矣 皇上下積粟之令公侯貴戚  
於山東河南遣人收糴預備平價毋致傷農私窳既充蓄積足時令  
天下郡邑社倉積穀徒具文書臣請長吏贖緩盡輸米粟私折銀者  
罪亡赦漢人有言曰數石之重中人弗勝此法一行上官之符不能  
取下吏之箠不能充緩急凶荒具有備矣

二月己丑朔

壬辰兵科給事中沈迅請殘破郡縣安集招撫略埋皆新補各官  
勒限赴任從之

巡撫山東右僉都御史顏繼祖免逮都督僉事 總兵官倪寵降

太監高起潛三級總督孫傳庭一級督察大學士劉宇亮戴罪

司禮太監崔琳清理兩浙鹽課各項賦稅

丙申督察大學士劉宇亮削籍敵退官兵復走滄州鹽山宇亮奏諸  
將尾敵不戰中及總兵劉光祚而楊嗣昌請謀逐宇亮誅光祚旨下



諸將各引兵去光祚亦不在營適有武清之捷宇亮下光祚武清縣  
獄以請且告提上以修參修叙殊屬平競俾九卿科道議閑任吏  
科給事中陳新啟兵科給事中沈迅言其輕議削籍薛國觀擬旨候  
事平另議工竟重譴說者謂宇亮入光祚厚賂云楊嗣昌所稱不  
令隻蹄返者面謾耳

談遷曰綿竹善擊劍慕封侯之業舍我首揆馳驚行間橫戈十萬  
所謂結髮幸一當單于也曾不灑血苦戰望旌而反何以塞嘉命  
間執謬慮之口竊為綿竹耻之裔是而往武陵南征不復宜興北  
討終未越通州一步曲沃西剿汚及簡書彼曉、烏談兵廟堂之  
上畫餅塗羹亦何益之有

戊戌官軍逐胡報斬三千餘級總兵祖大壽張進忠伏兵寶坻之楊  
家莊邀斬千餘級大抵逃回難民也建相載而東避實走虛西至青  
山口總兵陳國威於喜峰口同南兵前營副總兵崔東德擊卻之未  
出塞

劉景曜為右僉都御史巡撫山東樊一衡為右僉都御史巡撫寧夏  
追論故宣大總督梁廷棟大辟奪錦衣衛世廕張雲鵬王國臣張巖  
郭雲漢等各遣戍

趙州判官王世泰原榆林衛應襲指揮求改武衛  
癸卯翰林院脩撰劉理順言六事作士氣矜民窮簡良吏令師期信  
賞罰招脅從、工是之



甲辰徐石麒戈元禮為左右通政

乙巳保定天鳴

戊申太僕寺少卿王萬象免以私營山東巡撫被劾也

吏部署部事左侍郎董羽宸言裁官奉旨大選屆期赴部聽改各官莫知適從臣不得不列銜以請如通判正六品若改用對品止留守司經歷而府判由科貢予以衛幕未合宜覈其才品優則降改推官餘降州縣一州判正七品對品改用則布政司都司副理問行太僕寺苑馬寺主簿鹽課司經歷鹽課司副提舉京外衛經歷宣慰司招討司經歷若正途出身撫按正薦例陞知縣州同知如由監吏則補前闕其願改州吏目縣丞者聽之主簿正九品對改則布政司昭磨檢較茶馬司大使按察司昭磨各府各宣慰司知事其歲貢願改教官聽之臣又有請為各州縣練兵官各一而所有兩通判或三四通判或州兩判官縣兩主簿如督糧督捕水利筦河之屬各有職掌駐札或裁貼堂之一代以練兵工俱從之

庚戌馬思理為尚寶司少卿

先是貴州道御史王聚奎劾刑科右給事中陳啟新緘默溺職有旨責聚奎都察院左僉都御史李先春議奪歲俸上不懌竟謫山西按察司昭磨吏部左侍郎董羽宸不能駁正奪俸六月工罷先春先春前河南右布政使以翰林院編脩林增志薦入并責增志亦引咎



壬子司禮太監王允中守備承天申之秀提督九門

巡按蘓松常鎮御史王志舉劾本兵楊嗣昌調度無能封疆壞極

工責其借題自護

建 攻遼東松山城四旬不克尋分犯杏山

甲寅吏部署部事左侍郎董羽宸署都察院事

丙辰逮前巡撫密雲右僉都御史趙光忭

左良玉破賊劉國能于許州國能降

馬守應請降於監軍孔貞會

未決賀一龍李萬慶東走合于馬進忠分掠信陽光山

三月戊午朔召工部左侍郎張慎言雲南道御史

貴州道御史

王範於平臺

皇子慈嬪薨追封悼王謚曰靈時疾甚言九蓮菩薩來云上薄待戚

屬如不悛且殤盡

工聞大懼初上籍武清侯李氏由是復其爵免

籍其貲蓋內臣託皇子神其事上實未嘗聞也

孝定皇后夢九蓮

菩薩授經覺而記之錄入佛藏作慈壽寺後立九蓮閣塑像跨鳳傳

皇后即九蓮後身也

工聞左良玉部兵淫掠責之

乙酉召淮揚道參議鄭二陽於平臺問練兵措餉何如對曰臣初揚

州各營設有官兵向來相沿虛冒臣刻意簡練有一額即求足一兵

隨練之故歷五年防寇不請一兵一餉工曰此一方事謂天下何

對曰大抵額設之兵原有額餉但求實練堪用則兵不虛冒餉自足



用是覈兵即足餉也若兵不實練雖措餉何益上問練兵曰臣所見只以恭游而下官練之上曰何也曰如恭游選千人總選十百青按兵法上問措餉曰措餉諸臣條陳盡之矣在得其人如鼓鑄得人則利歸公家否則在私室上曰近者各處災傷餉乏奈何曰裁不急之官亦可省費如揚州有催餉主事不如以巡按趣之上曰催餉主事非定例也鄭二陽又曰臣見殘破州縣慶都樂城亟宜下寬大之詔收拾人心上是之

丙戌兵部上裁練事宜曰地分衝緩曰人用世科曰行移節制曰功罪責成

是月兵科都給事中張縉彥言失事五案初破正關陷營城逗石匣潰陽山則總督吳阿衡總兵吳國俊總監鄧希詔道臣黃裳吉援密總兵王承胤宜罪又青山續入則巡撫陳祖苞總兵陳國威分監孫茂霖道臣李挺宜罪又殘破城邑則總督盧象升總監高起潛總兵王樸楊國柱虎大威侯拱極贊畫則楊廷麟巡撫張其平總兵劉光祚總監方正化分鎮陳鎮夷道臣李九華劉在朝王之楨吳鼎天津巡撫杜三策總監盧維寧總兵劉復戎道臣蔣慕楷宜罪又失陷藩封援兵則督察劉宇亮總督孫傳庭總監高起潛及調發逗留諸將李績祖寬郭進善楊振王鳴善徐成友屠朝相劉伯祿李得威巡撫顏繼祖總兵倪寵巡按宋學朱等宜罪又飽颺出口援兵則督察劉宇亮總督孫傳庭陳新甲等宜罪以上五案在邊首論入口則墻路



更重在內首論失陷則藩封更重若出口則罪有差等法無寬恕也  
又及巡按御史劉呈瑞張懋燁兵部職方郎中趙光忭員外郎孫嘉  
績大學士楊嗣昌上是之

四月戊子朔吏部署部事左侍郎董羽宸錫二級以枚卜延緩也

鎮守通州兵部右侍郎仇維楨回部郭建初為順天府尹

辛卯左都督楊德政為總兵官鎮守保定

左良玉破賊于鎮平李萬慶乞降刈民變以自給良玉諭止之不聽

壬辰命駙馬都尉鞏永固往濟南告慰先德王園

癸巳撫治鄖陽右僉都御史戴東旻免

仇維楨李邦華為南京戶兵部尚書進巡撫福建沈猶龍右副都御

史

甲午鄭二陽為右僉都御史巡撫安慶王鰲永為右僉都御史撫治

鄖陽

諭兵部彙崇禎七年後條奏脩練儲備刊布天下

免高淳去年旱蝗田租

丁酉逮前巡按四川御史韓一先以苛索也

辛丑復故大學士文震孟官致仕先是丙子六月震孟卒撫按以閑

住不敢報訃至是吏科給事中吳麟徵奏震孟由田間而侍從由侍

從而輔臣皆出於皇上非常之知遇而皇上所以於諸臣之中

殊恩獨斷簡置論思得非以震孟在先朝則催折非常事皇上



則勤勞最深而至春秋進講時又聞其慷慨敷陳啟沃良至 皇上  
虛懷注聽採納獨深此當睿記之中無俟臣言之贅 皇上恩威所  
被並是生成其於震孟之去又得非稍示琢磨以定環珞之賜而惜  
其悔罪自傷假年無術溘焉長逝寂矣夜臺景運難逢恩光有待  
皇上亦惻然而動遺簪敝履之思乎或還故官或量加恩卹一注念  
間明君臣始終之誼

壬寅夜月食

癸卯禮科給事中姜埰言近月以來傳 皇上建設齋醮臣私疑之

正德初年從事內典太監劉允馳驅西域十數年間持咒結印當其  
時也糜費大官訛傳道路 皇上懲前此後聰明絕世豈真見不及  
此固曰聊復爾、然唐虞之寬仁必非佛氏之慈悲也宗社之安危  
必非佛氏之禍福也顧役、焉以九重之尊對西竺之繁文此臣必  
不敢以為可也山西道御史虞惟義亦言之不聽

曠鳴鸞為太僕寺少卿

諭釋輕繫

甲辰張天麟為右副都御史巡撫雲南

復前王永光吏部尚書官其太子太保未復

河南貢士竇豐牛金星有罪戍邊

丁未張光祖為後軍都督府僉書

戊申大學士程國祥致仕



左良玉率副將陳永福金聲桓擊賊斬首二千七百級良玉遣降將  
劉國能招之

巡按雲南御史涂必泓言四事綏夷司以莫遠民慎銓選以飭吏治  
嚴糾劾以新耳目稽程限以申新命上是之

庚戌李萬慶率衆四千解甲降于良玉署為守備其黨散去七千餘  
辛亥榮王由博薨謚曰憲王

乙卯補上 孝靖皇太后孝純皇太后冊寶

戶科給事中章正宸請行鈔法

薦舉縣丞沈時請開採報聞

丙辰逮巡按山東御史郭景昌景昌論濟南共事踈略曰濟南藩封

之變誰司中樞而被禍至此豈非楊嗣昌拱手送之敵耶使當時倪

寵勤王至德州即令就近守濟寧顏繼祖造反濟南未墟也今倪寵

顏繼祖既逮當死而嗣昌罪出其上即濟南不發救兵死有餘辜矣

若不先正其罪令苟延性命混辱朝班仍議人之功罪則功罪不愈

為不明何以懲前又何以懲後乎 上怒其黨同伐異借題攻詆逮

下獄景昌又從獄中上章論嗣昌謂忠佞分塗止論臣言之當否何

論臣跡之同異有肯切責十一月戊代州

是月京城浚濠廣五丈深三丈 科給事中夏尚綱言連年胡騎入

犯皆籬籬失守門庭無恙若使塹水足拒則去冬長驅如通德滄濟

其為廣川巨浸知復無幾而揚鞭飛渡如入無人則控扼險要在人



不在險明矣今擲此百萬於水濱孰若移而用之於巖疆要害使胡騎不敢躡入之為得哉

五月丁巳朔大學士楊嗣昌奏失事五案曰邊備失機曰陷城曰通款曰籜變曰損將上從之邊備失機鄧希詔楊芳趙光壁田祿劉文耀孫宗階城陳祖苞張其平李綦隆趙之鼎頡三省張昌期王應元李芳塘雷之渤徐完一劉銓翟運晉胡應瑞通款高唐知州尹亮陳相望郭士貞楊炯籜變顏繼祖倪寵祖寬郭進道損將李重鎮劉銓縱敵出塞孫茂霖陳國威崔秉德韓文獻

戊午脩奉先殿成

己未劉廣生為戶部右侍郎督理京省錢法蕭譽為右通政

山西按察副使魏士章請禁有司收賦羨耗遣京官搜括天下錢糧充餉從之

談遷曰財猶水也挹注則不涸壅則闕矣故官民相通中外相餉今舉天下之大毫較塵筭無纖渺之贏必歸於左藏而後已一之為甚其可再乎國家久長之計奈何以不再令也

督理錢法戶部右侍郎李玄言部覆當二錢以四十文抵銀一錢今聖諭以萬曆泰昌天啓常崇禎制錢俱六十五文抵銀一錢則當二錢宜三十二文半為率昔未下玄遠榜示鑄二級徐人龍為右僉都御史巡撫登萊王繼謨為右僉都御史巡撫遼雲李世謨為光祿寺丞



六月丁亥朔張三謨戴澳為大理左右寺丞

己丑薛國觀蔡國用范復粹進太子太保戶部尚書兼文淵閣大學士楊嗣昌復原官不叙姚明恭張四知魏焯乘各賜金幣廕子入國子監前大學士張志發孔貞運劉宇亮傅冠程國祥方進年各賜金幣有差太監曹化淳廕錦衣衛指揮同知劉元斌盧九德李承芳下希孔王裕民王德化並廕錦衣衛指揮僉事俱叙運籌卻敵功內墻倖冒亡論執政恬不為辭於心安之何哉

庚寅光祿寺錄事孫晉推南京太僕寺丞上以遷謫陞轉各衙門

一體孫晉凌躐詰吏部文選郎中林胤昌回奏不聽補

癸巳刑科給事中孫承澤言保舉法誠關門咨岳之盛心微赴公車

舉也茂才異等實未有聞尋常布衣思膺民社詎無蟻慕而蠅逐

者古人謂工以考取人則勇者割股怯者廬墓工以廉取人則駭車

羸馬惡衣菲食宋臣蘓軾曰得人有道在知人知人之法在責實當

今最急毋如強兵裕國草澤間果諳練兵法留心國計不費加派而

九邊充足授之以官必試而後用毋用而後試庶真才得而奔兢息

矣

甲午王忠為鎮朔將軍都督同知總兵官鎮守宣府馬科為都督同

知總兵官鎮守山海關馬壙為都督僉事總兵官鎮守天津

戶部請遣給事中六人分催直隸浙江湖廣河南江西山西陝西錢

糧從之



乙未叙守松山功進金國鳳署都督同知廕錦衣衛千戶餘陞秩有差

丙申鎮守通州總兵官劉澤清疾免

總督薊遼洪承疇言屬夷明暗等屢乞撫賞今後若建撫不入西協則撫賞如故否則導禍無疑即革賞進剿從之

庚子火藥局災

癸卯御馬太監趙本政總監真定保定涿州昌平

禮部尚書林欲楫請覈僧道贍地毀淫祠括絕田助餉

宋汝為太常寺少卿

劉良佐為副總兵分鎮徐州

吏部考選科道部曹不兼科貢被詰責

官撫民為征西將軍署都督僉事總兵官鎮守寧夏王秉忠為都督

總兵官鎮守通州

左懋第袁愷陰潤范士髦蘭剛中為給事中懋第愷戶科潤禮科士髦工科詹時雨李近右汪承詔張緒論楊四重為試監察御史時雨近右山東道承詔廣東道緒論湖廣道吳昌時等並各部主事昌時首選吏部跡上上自手定先後示不測昌時謂薛國觀中之恨骨上出復河套議凡言不可復者俱入選或曰楊嗣昌密議棄遼東故例以河套也

己酉榮世子慈炤薨



壬子存問前大學士周延儒王應熊黃士俊賀逢聖孔貞運張志發  
甲寅特免海州田租

七月丙辰朔免靈壽等二十六州縣馬價銀十之二

戊午司禮太監張榮提督九門

辛酉南居仁周鳳翔為左中允李日宣為兵部左侍郎協理京營戎

政劉餘祐為通政使

司禮大監王裕民總督京營

壬戌戒午門端門諸內臣延款朝士

督脩曆法光祿寺卿李天經工西人湯若望坤輿格致書三卷

癸亥李國奇為都督僉事總兵官鎮守陝西

甲子巡撫應天右副都御史張國維上水利全書

建儲四千騎西至舊開平又與哈喇慎卜石兔二夷市馬兵科給事

中曾應遴言預備

乙丑吏部尚書莊欽隣五閱月未至罷之

丙寅戴澳為順天府丞

丁卯諭法司以五案獄上

授宗室朱謀超中書舍人謀奕由隸俱知州統鄒通判敏灞謀倬華

均常淺鼎涇統船常渾俱知縣

庚午汪慶百為南京工部尚書

辛未禁中外官餽遺請託



壬申奪總理尚書熊文燦官仍視事

乙亥楊方盛為順天府丞

癸未傅永淳為都察院左都御史

逮總督宣大孫傳庭前撫治鄖陽戴東旻并免太監趙本政時傳庭

託耳賄巡按御史代題教諭某以傳庭同鄉候之家語偵其詐

許奏故逮傳庭及巡按御史

乙酉都督同知張天禮為總兵官鎮守山西梁甫為總兵官鎮守臨

洮

都督左良玉追張獻忠於房縣中伏大敗共其符印中軍羅岱死之

事聞贈岱都督僉事廕世百戶熊文燦革秩視事良玉戴罪殺賊

是月德王由福陷於建遣內官王朝進張福祿都司徐文師上書

自廣寧入叅將夏成德以聞廣東道御史汪承詔言宜火其書勿令

傳外王朝進等宜編置遠方毋浪傳敵信萬一皇上展親之念篤

宜別遣邊人量齎用物俾申德意若曰王不造失守社稷遠播沙漠

庶幾戎狄悔禍隆禮有加王宜優游塞外以終天年朕已撫王嗣俾

續舊服俟其成立當使自將待邊以泄王憤如此庶彼知朝廷大義

可絕其垂涎杜其凌侮報聞

談遷曰楊嗣昌初議表餌故事冀一通款而上頗猶豫未之即

許也又朝廷體重奈何先詘今德王涿落塞外國家不幸維城無

羈紲之安因惇睦之義藉以專使正告建曰天子至仁不忍



物共所况懿親子德王蒙塵邊臣各論罪不貸幸爾之惠王猶相  
存也聞之疾惻且又義鑒念其淹恤長老塞外於爾何裨焉往邊  
臣屢奏仍通市貢朕實追痛焚掠未之輕允今能全我介藩具知  
良意果獲南返即市貢以相報罷兵息民春秋時見亦爾長計非  
朕展親大義故特爾先非朕所私如浮意繁詞挾之為重朕不任  
受此一役也最有名於國體不棄上必垂聽而楊嗣昌絕不及  
此豈非惜者乎宇文護迎母於齊陳霸先迎弟於周古人嘗行  
之矣廟議一失其後遣兵部主事馬紹愉通款則棄我甚矣惜哉  
八月丙戌朔丁亥兵部右侍郎王道直為左侍郎清黃

庚寅前太子少保吏部尚書謝陞為太子太保吏部尚書蕭譽劉尚

信為左通政

誅五案失事諸臣三十二人巡撫保定張其平巡撫山東顏繼祖知  
縣李慕昌趙之鼎頤三省張昌期王應元李芳塘雷之渤徐完一劉  
銓翟運晉胡應瑞尹亮陳相望郭士貞楊炯總兵倪寵陳國威崔秉  
德韓文獻郭進道內監鄧希詔孫茂霖等故巡撫順天陳祖苞先飲  
藥死子翰林編脩之遴扶柩歸例請郵符上以祖苞執法命之遴  
永不叙用

岷王企鵠奏按巡御史林銘球以冊封南豐王贖薄因知府陶  
珙構陷今銘球奉命再巡一年臣堪毒害乞如大明律聽訟回避臣  
實幸甚



癸正限疏題奏字六百五十兵刑錢穀亡論

甲午大學士薛國觀請更東宮講讀官明日翰林院簡討張居奏引  
答且刺閣臣曰陰陽失調水旱不時皆諸臣不職國觀奏辨工以  
張居講音塞澁調降二級

誅元氏知縣劉業燦業燦樂安人崇禎丁丑進士城陷通款籍其家  
父兄編管二千里妻女入官為奴

談遷曰宋劫盜張海橫行數路將過高郵知軍晁仲約度不能禦  
具牛酒迎勞且厚遺之海說竟去不為暴事聞朝廷大怒富弼等  
咸欲誅仲約范仲淹爭於上前得免死劉業燦城陷又非仲約比  
止誅其身足矣籍產俘孥則又刑之失其平也

丙申撫治鄖陽右僉都御史王鰲永奏闕餉兩月鎮兵新舊萬三千  
人馬二千匹歲費二十餘萬請酌發鹽引召商支賣收價資軍湏行  
淮鹽舊行入峽不如因而通之則民與法俱便

己亥免唐縣等四十州縣去年田租十之五禹州等十州縣十之二  
光州等八州縣十年之五去年之二

庚子命禮部再訂禮服圖

辛丑長樂縣異風壞海上民舍亡筭

癸卯進方一藻兵部尚書兼右僉都御史仍巡撫遼東

乙巳宋之普為太僕寺少卿轄西路

丙午楊希旦為大理寺右寺丞



庚戌故庶吉士鄭鄖磔於市初法司擬辟上怒其瀆倫命加等鄖  
武進人天啟壬戌進士選庶吉士未久直諫聲滿宇內以淫悖敗  
壬子命大學士楊嗣昌以原官兼兵部尚書督師討盜賜尚方劍  
羅元賓為右僉都御史提督操江  
朱繼祚為南京禮部尚書戶科給事中左懋第劾繼祚前附魏忠賢  
纂脩要典不聽

是月總督宣大洪承疇出山海關至中前所以于總劉虛冒誅  
之劉為總監高起潛私人因却承疇薦劉肇基總兵吳三桂團練兵  
部准三桂

九月乙卯朔給楊嗣昌四萬金賞功牌千五百蟒紵緋絹各五百

戊午蔣德璟為少詹事清理貼黃

壬戌吏部左侍郎董羽宸降南京尚寶司卿

命錄囚

丁卯宴閣臣於平臺後殿上手觴楊嗣昌三之賜詩勒詩於文各

廟嗣昌南征會兵十萬本折色二百餘萬

前南京兵部尚書許弘綱卒

己巳張福臻為兵部左侍郎葉有聲為大理寺卿

司禮太監王德化提督東廠司禮太監兼東廠太監李承芳下刑部  
獄先是承芳請籍太監王體乾產可百餘萬後不能實其言遂指為  
移匿逮體乾門下季晉田玉劉文忠趙本政於東廠並沒產累數十



家尋亦被逮卒已春戌外衛

辛未都督劉鎮藩為總兵官鎮守浙江

甲戌內官監太監杜秩亨提督九門

丙子馬思理為尚寶司卿

叙陵殿功賚內外官有差

丁丑徵士陳繼儒卒繼儒字眉公華亭人壯歲棄諸生專事博綜善

古文詞崇禎初光祿寺卿何喬遠科給事中吳永順工部右侍郎

沈演御史魏士章巡撫江西解學龍各奏薦不赴年八十二所著書

多行世

范景文曰先生老而好學手不停披至於禽遁星緯邊屯鼓鑄五

厨三略霞笈梵籟無一不撮薈而秘之胸笥揆之筆采咳唾珠玉

撮指雲烟內而紫禁丹宮外而雞林百濟得其片紙隻字如獲百

朋而先生日與野僧高士穿花洗竹自尋茆檐曝背之樂即仰面

看屋梁亦非其意所屑也探賸索隱如邵康節其學益老其德益

邵不事表暴不設防吟群居燕笑終日不為甚異人無貴賤少長

一接以誠清而不激和而不派則先生居然其後身也

庚辰張學周為太常寺卿

是秋彗星見參分

十月甲申朔丙戌彗星見

故凍江總兵金日觀贈太子太師立祠世外衛副千戶故

錢富



贈都指揮同知世百戶六十六和之師出

丁亥姚應嘉為南京大理寺卿馮元颺為南京太僕寺卿

戊子涂國鼎改南京吏部尚書趙光岳為光祿寺少卿

己丑諭停刑

庚寅中書舍人陳龍正言因彗星隕皇上求直言停刑敬天之道至

矣語曰事天之實以實不以文臣請更進曰事天以恒不以暫何謂

實今日求言恤刑之實是也何言恒願歲、弗忘此求言恤刑之心

是也 上善之

甲午山東御史張肯堂請鹽臣久任課實效從之

乙未林棟隆倪思輝為刑部左右侍郎

丙申諭兵部建 東西謀犯凡近城邊堡各收拾糧芻毋倉皇致失

先是刑部尚書劉之鳳擬判可棟失出之鳳論死刑科給事中李清

言於律未合

鳳陽地震

丁酉武英殿試中書舍人沈廷揚言膠萊海運

戊戌張廷登為南京都察院右都御史解學龍改南京兵部右侍郎

諭彗星雖隱昨雷震仍各脩省

叙禦胡城守功薛國觀范復粹進少保吏部尚書武英殿大學士廕

中書舍人復粹廕監妮明恭張四知進太子少保戶部尚書文淵閣

大學士各廕子入國子監同楊嗣昌賜金幣



庚子中書舍人陳龍正請正郊期古帝王郊天不用至日孔子對定  
公曰周之始郊其月以日至其日以上辛郊特牲曰郊之用辛也周  
之始郊日以至王肅曰周之郊祭於建子之用也用辛日者以冬至  
陽氣新用事也夫冬至不恒過辛則用辛為冬至之月明矣臣謹按  
上辛謂日至之月第一辛日如冬至在十一月下旬則用仲辛冬至  
在十一月初旬本月無辛則用十月下旬如崇禎十二年十一月二  
十八日辛巳冬至宜十八日辛未郊也章下閣部

甲辰故

宋治成贈兵部職方郎中

王紹禹為署都督僉事總兵官鎮守河南

丙午左良玉拜平賊將軍良玉所部多降將楊嗣昌謂可滅賊請于  
上故命之

馬守應賀一龍犯安慶桐城遼將黃得功川將杜先春屢戰却賊、  
每避其鋒

十一月甲寅朔劉宗祥為右僉都御史巡撫江西

逮總理兵部尚書熊文燦

都督吳三桂為遼東總兵官團練寧遠兵馬

中書舍人陳龍正上郊期攷辨尋申奏至月上辛之義

丙辰故 鄧可藩贈光祿寺卿

丁巳王國賓為右僉都御史巡撫山東

戊午先是仙居知縣過周謀以薛國觀所舉士託同鄉吏部



外郎熊文舉餽五百金營轉禮曹手書隱語五百年名世為東廠所  
緝國觀奏辨委其事於舉時文學主試  
未至刑部鞠其父應之

論成文學官如故  
前庶吉士張居請行銅鈔從之

己巳夜月食  
甲戌黃希憲為太僕寺少卿轄東路

丁丑督脩曆法光祿寺卿李天經言日食事命新法訂之  
己卯楊汝成為南京國子祭酒

林棟隆改吏部左侍郎  
辛巳 工南郊

劉廣生改戶部左侍郎常自裕為右侍郎督理京省錢法

十二月癸未朔中書舍人陳龍正遵旨詳奏郊廟

甲申 總兵陳洪範疾免

乙酉環球國中山王尚 遣蔡堅等入貢

戊子前吏部尚書王永光卒

辛卯午刻黑雲見嘉興二刻而退

癸巳總理河道工部尚書周鶴疾免

乙未蕭縣山鳴

庚子劉承嗣

辛丑起畢懋康南京戶部右侍郎兼都察院右僉都御史總督糧儲



倪思輝王心一為刑部左右侍郎  
丙午萬壽節丁未御殿受賀

錢士貴為太常寺卿

庚戌李紹賢為左庶子張維機朱坻栢立瑜為右庶子南居仁錢受  
益為左右諭德華琪芳為南京少詹事

辛亥李夢辰為通政司使吳元為右副都御史巡撫雲南兼督川  
貴兵餉

命正一嗣教真人張應京禳旱

是年兩京河南山東山西旱饑

魯王壽鏞薨謚曰肅

庚辰崇禎十三年

正月癸丑朔天下官來朝

議郊用上辛日

甲寅許大臣還私第

劉肇基為署都督僉事總兵官團練遼東寧遠兵馬

總督薊遼洪承疇言寧遠城有鎮監撫道等官營伍紛雜事權掣肘

因命軍務聽總兵官節制凡監撫按鎮同城並如之

丙辰張國維為工部右侍郎兼右僉都御史總理河道

丁巳中書舍人楊金洪周萬年獄

戊午享太廟



癸亥辨文武章服

甲子喬可用為錦衣衛指揮僉事仍理北鎮撫司

乙丑速巡撫湖廣右僉都御史方孔炤

丙寅廷杖中書舍人朱紳除名以湖州知府朱大受發其鬻廩於長

興朱汝器子謙也紳亦訐大受不法

丁卯諭邊臣嚴備敵毋離信地

夜東方黑氣彌空連三夕總督洪承疇見之占大警

戊辰黃希憲為右僉都御史巡撫應天宋一鶴為右僉都御史巡撫

五湖廣

壬申白騰蛟為署都督僉事總兵官鎮守薊鎮

癸酉張三謨為大理寺右少卿

東廠獲賄籍詞連吏科都給事中阮震亨令回奏

丙子陳新甲為兵部尚書

吏部尚書謝陞等劾阮震亨通賄敗類報聞

大理寺左寺副許自孝言 皇上御極以來尚未謁陵今宜亟舉至

於視學更宜嗣行倣 世宗朝十二年十三年連幸太學之事及定

大閱之期大彰賞罰報聞

己卯兵部左侍郎張福臻兼右僉都御史總督宣大

故 耿胤樓贈光祿寺少卿

庚辰阮震亨下鎮撫同論死



閏正月癸未朔甲申令觀官領敕即赴任

召巡撫雲南右副都御史吳兆元順德府同知范志完於平臺志完

敢大言請身歷街邊

乙酉紀錄卓異諸臣蘓州知府陳洪謚多逋賦戴罪不預

命巡城御史煮粥賑饑發帑八千金賑真定

丙戌督脩曆法光祿寺卿李天經言去年十二月誥勅房加街大理

寺右寺正王應遴上曆法八議禮科叅處其訛舛有至一日二日或

數十刻即一議餘可知矣臣惟脩曆幸皇工內廷親驗新法為近

餘皆踈遠欽定更正勅令張守登等旁求參攷奉旨兩載應否更正

該監自當仰遵非臣所得而強也

丁亥內臣尹希詔娶婦下獄成邊大瑞娶婦多矣希詔偶敗

戊子葉紹顯為南京光祿寺卿

庚寅浙江永康知縣朱露言有司恣言科罰且借寇攫取各撫按容

隱不言奏上命申飭各官令露入朝

甲午中書舍人沈廷揚請試海運從之

壬寅楊嗣昌薦推官萬元吉前杭州推官楊卓然推官胡

平表等十人各授監軍道僉事監軍艾毓初言寇在汰欺蒙之

狡將誅逗遛之懦將不然互欺朝廷朱粲黃巢之禍再見于今日也

嗣昌因申飭文武軍容改觀翰林院侍讀學士陳演為禮部右侍郎署詹事府事



河南按察使李時光奉旨言六事守督大冢戰於驕兵察用恬吏惠先蒙民寬致有從於釋故贓

癸卯李虞夔為右僉都御史巡撫寧夏

諭戶部以永清保定霸涿大城良鄉新城凍安武清固安糧場給畿

南饑民抵秋以償

甲辰發帑六千金賑山東

廣西按察僉事謝宗一奉旨條地方利弊一排賊數宜掃曰獠獠叛

將賊宜撫曰狼兵統御有法曰富貧一錫礦宜公開曰梧餉逋負宜

追補曰假差若兵宜嚴禁

丙午浙直大風霾

丁未先是中書舍人陳龍正遵旨再奏古辨郊期有至月至日之分

而要皆子月也冬至為子中子半則前此十五日不論十月十一月

皆子月之前半也大雪後為子月非亥月攷之於古周易其據也孔

子論郊則云工辛提日干者以祀田之有定干也日則云日至不

指月支正以節氣或先或後推盪不常十一月固屬子或十月望後

即屬子或十二月望前猶屬子若云子月恐人之泥於十一月朔晦

昧其推盪之氣與其先後之理也夫報天者反其所自始用上辛迎

之於先則合反始之義周至日則是迎之於中半而非迎之於始也

郊者迎一陽之始宜在至前賀者履一陽之成宜在至日有旨十二

支建月確然不移冬至未交節以前仍屬亥氣剥極而復一陽始生



何至日為一陽之成月朔謂之吉月故禮重告朔况大享不於冬且  
為定日故不煩更卜迎陽禮成因慶成受賀自有次第先後何得以  
已意附會命文淵二書風至則備其禮也  
已酉召兵部尚書陳新甲於平臺新甲上保邦十策  
故南京兵部尚書許弘綱贈太子少保予祭塋  
辛亥吏部奏截俸行取各官命截俸至十二月  
巡撫登萊右僉都御史徐人龍言成山海運甚險有旨海運由膠萊  
仍與河漕無異不必議夫海運由萊必由成山云與漕河已異誤矣

二月壬子朔杭州城門夜鳴

癸丑少保兼太子太保吏部尚書武英殿大學士薛國觀蔡國用主  
禮閣

戊午平賊將軍左良玉大破張獻忠於太平縣之瑪瑙山斬二千八  
十七級獻忠精銳俱盡止驍騎千餘自隨遁走興山歸州山中尋竄  
興安房縣界官軍憚山險不攻賊伏深箐中賄山氓市鹽米氓反為  
賊耳目獻忠得收散亡養痍傷兵復振  
辛酉夜鉅鹿地震有聲三日

壬戌虹縣大火

甲子給楊嗣昌萬金賜斗牛服嗣昌駐襄陽調度會剿以陝西興安  
一路失期斬其監軍道殷太白

尚寶司卿馬思理請如國初進本司三品或量進四品始於體統為



優不許

孫冠掠汝陽

乙丑永康知縣朱露為使科給事中改名統績

丙寅復王樸都督僉事

戊辰劉光溥為後軍都督府僉書

叙甘鎮功復洪承疇太保賜金四十緋蟒一襲進白貽清兵部右侍郎賜金同飛魚服並廕錦衣衛指揮僉事故

右侍郎復總兵王汝金官並廕錦衣衛副千戶陣沒總兵張顯謨贈

左都督立祠廕錦衣衛指揮僉事餘陞賞有差

辛未羅汝才掠信陽尋陷光州

壬申宋致為大理寺少卿

故 孫謙嚴鑑顧儀俱贈光祿寺少卿故 田首鳳贈尚

寶司少卿故 李升吉李極俱贈尚寶司丞

癸酉禮部請增祀北斗於星辰壇許之

禮部上李天經新曆有背閏法及節氣日躔等異於大統曆令監局

各官詳攷

丙子江西宗貢朱統欽以五經試義求破格不許

丁丑令會試貢士先廷對相校射

成廣諭曰連日風霾大作田地亢乾麥苗將槁甚至傷折南郊樹木天心仁愛警示頗仍或因政事多失或奸貪縱肆或刑獄失平或豪



右侵凌諸如此類大干天和茲許官員人等直書務直陳利弊有裨  
時政備曰豈曰風靈大於田賦天澤垂於萬民其於國計民生  
唐辰諭三月三日辰刻朕深居齋禱大小臣工痛加脩省遣成國公  
朱純臣鎮遠侯顧肇跡祭告南北郊禮部尚書林欲楫告社稷侍郎  
王鐸告風雷等壇黃錦禱龍祠

率已故老元帥馬從聘贈兵部尚書謚

三月壬午朔癸未以緝獲功進孫光先左都督

戶科給事中張言江南白糧之累報聞

永安廠災

命勲臣年七十正戚臣官一品許乘輿其肩輿非特恩不許

丙戌風霾

丁亥楊嗣昌報捷命同左良玉雪罪益發銀牌五百紵絲三百帑金

五千犒戰士及陣沒吏卒

建昌至義州謀犯錦州總督洪承疇同遼東巡撫方一藻以前鋒祖

大壽團練吳三桂分練劉肇基先屯錦州松山待之調山海關總兵

官兩科以萬人往

戊子詔回各鎮內員察飭已久兵馬錢糧器械等項稍有改觀但戰

守防援事權未能盡一令將總監高起潛陳貴馬雲程盧維寧分守

邊永清許進忠謝文學魏邦典牛文炳武進陳鎮夷崔進楊顯名俱

撤回京另用申之秀除去總監仍以守備察飭李信守護陵園崔璘



除<sup>去</sup>兼察起存錢糧惟專理鹽務勅書換給武俊仍俟工完回京還將  
兵馬錢糧器械及任內釐飭事宜開明具奏凡邊務都着督撫鎮道  
一意肩承共體時艱各攄猷略若有踈虞五案大法具存必罪不貸  
談遷曰內臣出鎮掣任事之肘隳庶吏之心此<sup>哲</sup>廟時秕政也  
先帝最嚴察再遣再撤非不知神叢難借乳虎難馴直謂三尺在  
我此曹子何能為其信外廷不如信內臣也遣示權撤示斷雖未  
易窺測終為內臣所用矣

諭風霾亢旱各官必多貪殘因法撫按未見指叅如再徇容重處不  
貸又省直獄囚連結略其輕罪

已丑蘓州知府陳洪謚松江知府方岳貢並稽賦洪謚削籍限六月

完額否則解任岳貢奪官覈上海通額限十月

唐寅以保舉換授多曠賄命今後赴部者並送國子監肄業考驗如  
例貢選除其不堪罷之

駙馬都尉齊贊沅子道周授錦衣衛都指揮使因令戚臣子弟踰十

歲方奏請著為令

辛卯王正志為太常寺少卿

兵科給事中魯應遴言嘗監刑或臨決鳴冤上謂如是即宜停刑

載在會典今後當以聞

壬辰免畿郡十一年料匠等銀

甲午賑京城貧民各二百錢



乙未戶科給事中左懋第言去歲彗見下詔停刑而彗夕消何風靈  
不然臣又思之一皇上停刑之詔特其具也今之齋禱猶其文也臣  
知皇上先以文即繼以實此時得毋實尚未見而天不之信乎臣  
敢直以實進練餉之派以益軍實不得已之事也皇上減兵省餉  
天下已識加惠之意兵減而餉不減恐貪者藉以飽其私乞皇上  
下詔減練餉今年全派外明年兵若干餉若干其加派之數預使萬  
民知之吏胥無所用其奸如此而天變不止臣不信也刑獄亦以待  
有罪亦不得已之事也捧讀傳詔慙、刑獄是矣乞皇上取獄之  
輕重一一審之皇上停刑可以消彗豈明刑不足以返風乎如此  
而天變不止臣不信也

四月壬子朔癸丑

田玄襲宣慰使給印

甲寅摘京省鄉試錄瑕累主考官翰林院編脩馬世奇簡討楊觀光  
禮科右給事中尹洗各鑄二級編脩衛胤文

一級汪國士熊世懿奪俸五月左諭德王廷垣吏科給事中

中顧國寶脩撰劉理順兵科左給事中吳甘來王心純

曹煇奪俸三月今後考官務遵功令文期純雅正大以為士鵠

談遷曰程錄出於主司追琢考據易工也近即以士子登之風簷  
草率於經義雖入彀於古學疎甚累楮連續多如嚼蠟於是稍懲

考官未變士習其風氣浸淫非可以旦晚療也

馮舉為都督總兵官鎮守山西免通州總兵官王秉忠



乙卯巡按湖廣御史林銘球薦黃岡諸生馮雲路學行

丙辰趙玉森改翰林院簡討

麗江木知府木增四川左布政使致仕

蔣德璟為詹事

戊午巡撫江西右僉都御史解學龍薦舉佐領官及布政司都事黃

道周有晉道周黨邪亂政學龍抗藐俱除名逮下刑部獄

談遷曰黃先生學道人也非以官爵為軒輊竟未赴謫所馳牒給

假其跡似懟解中丞懿好雖切少宜慎重蓋重瞳未回適磯其怒

皇甫規明耻獨為君子於中丞得矣於黃先生自處未也

張汝行為署都督僉事總兵官鎮守貴州

己未高倬為尚寶司丞

浙西雨連月傷禾米直三金

庚申命撫按薦舉分治兵治餉才幹實跡如失實連坐至考選大典

須遵旨科貢兼收

辛酉李建泰李紹賢黃景昉為少詹事兼翰林院侍講學士方拱乾

為翰林院編脩

故傳振商贈太子少保

癸亥王錫衮為禮部右侍郎教習館員

召詹事翰林官於平臺令補奏

乙丑韓四維為國子司業吳偉業為南京國子司業



宿州等三十州縣以災甚其八年前通賦免十之四沐陽等八州縣  
次災免七年前十之五八年九年十之三通州五州縣免七年前十  
之二

丙寅諭吏部曰年來資格畛域抑壞人才考選屢奉旨舉貢並收究  
竟不遵非祖宗破格用人至意就教貢士并試過歲貢生共二百  
六十三人俱着於六部司屬都通太常寺各司屬及推知正官通行  
察闕依次填補此係特用後不為例

張自烈曰今日特用亦將拔用舉貢才能之特出者非凡舉貢皆  
可用也乃一旦合二百六十三人而皆用之果皆才且賢乎皆才  
且賢尤當量能授職委任責成使真偽無雜進奈何概使之依序

填補乎既依次填補止論未必皆才其間有不堪戶部而補戶部

不堪兵部而補兵部不堪推知而補推知始用既違其才考課亦  
難責效能必皆勝任而愉快乎就此二百六十三人中拔其尤者

數十人昇之殊秩委以重任庶幾有濟焉有特用而僅使之備員

庶官乎然則有破格之名而止其實不欲抑壞人才而究不能甄

別真似實收人才之效且又曰特用後不為例豈祖制僅可行於

一時不可行於異日乎豈此日舉貢二百六十三人皆堪特用異

日雖復有才且賢遠邁此二百六十三人者皆不足用乎此又明

旨之不可以告中外民臣者也

戊辰王廷垣朱兆栢為左右庶子徐沂胡世安為左右贊善



辛未司設監官陸永受殿工部主事楊所修時將北郊恨所修除道  
撤其架棚也事聞杖永受  
總督宣大張福臻言去冬間建  
哈喇慎馬萬匹今關外報建  
載砲而來雖聲東擊西之意然大砲  
不便跋涉則注意松錦亦未可知宜豫圖援禦未可以兩城為孤注  
也

癸酉南安惠安同安安溪永春德化地震

丙子減潞安買辦十之五  
令朝臣及撫按各舉將才

故

魯宗文贈左軍都督同知故

杜林贈右軍都

督僉事各世襲外衛百戶

戊寅袁繼咸為右僉都御史撫治鄖陽

命嚴督河工

己卯太子少保吏部尚書謝陞進太子太保禮部尚書禮部右侍郎

陳演改禮部左侍郎各兼東閣大學士直文淵閣

庚辰南居仁為國子祭酒

五月辛巳朔羅汝才惠登相入蜀監軍萬元吉扼于夔門

癸未工北郊

賊陷大昌犯夔州石砮女帥秦良玉發兵援之左良玉川撫邵捷春  
俱會于夔州副將賀人龍所將秦兵驍勇善戰而多擁降丁思得總



兵以統之捷春為請于嗣昌初嗣昌以良玉兵強表佩將軍印後進  
止不從節度嗣昌密疏于朝請以人龍易之後不果人龍始怒  
副總兵羅子莘擊惠登相于鄭家寨敗之時官軍扼險賊無所掠謀  
奪尖山西走四川總兵鄭嘉棟湖廣副將張應元汪雲鳳會陝西副  
將賀人龍李國奇之師赴之斷賊為二賊皆騎陷淖不得馳川兵跳  
澗如猿賊潰相踐斬首七百餘擒渠七十一人獲伏馬無算石砮兵  
邀于馬家寨復斬首七百殲其渠

丁亥減商州等今年田租

戊子量免湖廣田租

庚寅總督洪承疇出山海關初都督祖大壽請五萬騎出戰部議兵  
馬少不果欲令承疇以三萬人至關門部科議不一或曰承疇重臣  
宜開門調度或曰宜在前屯為後勁或曰簡銳集餉若不出戰何所  
試効承疇乃行

丙申傳永淳為吏部尚書葉有聲為都察院左副御史宋之普為左  
僉都御史

諭戶部都察院曰邇來直省告饑而畿輔山東河南晉陝近聞茹土  
食菜併無菜色且剝肉爨骨殮以澤量言之墮泪或天災流行人謀  
感召貪婪助旱魃之虐繁苛鼓馮夷之波民生其間弗死何待近雖  
屢頒軫恤之詔哀如充耳今聞墮踰者既玩泄不遵虛恢者又奉行  
未善各地方官給發積穀銀錢若干賑濟招徠流徙復業若干人田



地荒蕪有無給價給種買犢多方開墾富室鄉紳果否輸貨發粟設  
法鼓勵蠲停錢糧曾否榜示通知俾沾實惠該撫按官以察吏安民  
為務要減從躬行州縣察勘即以地方饑饉之有無察官屬之殿最  
召九卿科道於平臺問禦敵救荒安民三事各以次對通政使徐石  
麒曰東胡方強我力未壯宜先定本計後商方略厚撫屬夷以携其  
交守即為戰今彼牧屯義州我多發師則累糧不易少發師則守不  
足疑近夷所為宜曉晤屬夷發其事仇之耻若乘間襲復義州即與  
其地則屬夷心動東胡必疑又偵近邊二三大酋勅邊臣與之慶吊  
往來可陰藉為用又擇邊民俾投義州傭作耕牧則彼情全悉至寧  
前一帶彼少出兵堅壁清野勿與戰多出兵則義州必虛督臣即以  
數千騎間行擣其虛此守外邊法也若內邊則畿北閑田悉與軍民  
屯種擇其壯丁為兵而後可守矣上命起因退奏救荒在勸富民  
互養輸粟補官贖罪安民在省官用賢

丁酉特授歲貢生史惇俞泰交章晉錫陸禹思張奕穎王榜陳兆珂  
陳興言徐有聲俱戶部主事吳康侯禮部主事吳攸偉兵部主事王  
辰曾瑞來潘汝嘉項如皋楊垂雲林轉亨雷演祚吳文熾陳禮張煜  
芳鍾鎮王廷授俱刑部主事王灝饒元珙方夢禎鍾奇俱工部主事  
巢崑源吏部司務顧經祖戶部司務吳元伯禮部司務董養河楊畏  
知工部司務閔家炳曾益南京戶部兵部司務  
予故 洪啟膚故伏羗伯承毛祚祭葬



順天府丞戴澳除名先是澳道劾嘉興推官文德翼失實

寇陷羅田

戎戍總兵吳三桂劉聲基出杏山前鋒祖大壽以副總兵祖澤遠值  
建 松杏間三桂受圍聲基救出之失亡千人所殺傷亦相當副總

兵程繼儒臨陣而怯洪承疇斬之士俱用命

己亥提督太嶽太和山尚官監奉御賀汝良調南京孝陵神宮監

安遠侯柳祚昌為南京中軍都督府僉書

運河日涸責總理河道張國維

通政司使李夢辰塗削章奏有旨職在封駁既跡不合格即當斥去

何故代人塗削下吏部議處

貢士黃梅吳卿上言張獻忠李自成左賊等衆各數萬獻忠根貪盤

踞肆毒自成弼今善調度有方諸軍震肅賊窮入蜀尾而擊之或可

擒矣左革諸賊尤善偵走如官軍在汝穎兼德間彼奪鳳陽臨淮一

日夜兼行數百里臣崇禎十年下第微服徧偵賊踪賊往來吳楚必

自光州固始走高山鋪自英山走白沙河自後山走唐家嶺自六安

走桃花渡北夏閩踰險冒隘量我無兵臣意欲改蘄州道為協剿駐

兵高山鋪汝南道為協剿駐兵光州固始安池剿撫三處同心一處

有失責及二處此步、扼吭之計也然賊分則寡合則衆晝則賊騎

相顧夜則賊營遠哨况久殘之野家無完壁營或五十人或百人且

賊日馳二百里酌酒耽色渴睡不醒若將卒勇敢啣枚夜襲數十營

賊日馳二百里酌酒耽色渴睡不醒若將卒勇敢啣枚夜襲數十營



賊不能覺也而兵不殺賊反以仇民窮鄉男婦匿林叢難大兵割首報功以愚主將主將以愚監紀監紀不知遂奏其功此弊踵行久矣所當痛懲者也

庚子賊屯譚家坪諸軍薄之人曳草履一量緣山逐賊自龍溪追奔四十里斬首千一百餘級賊走仙寺嶺

癸卯諸軍雲合斬首千級賊突圍走七箐坎入于乾溪

丙午賊犯夔州下閬川撫邵捷春檄總兵鄭嘉棟以楚兵出雲陽邀其前賀人龍將秦師走尖山以截之時賊營山險酷暑炎歊蚊啗草間人馬俱病羅汝才西走雲陽尖山壩惠登相走雲陽水碓口期會于開縣新寧

戊申逮德清知縣丁煌東廠發其通賄也

賀人龍敗賊于七箐坎殲其銳兵

己酉大學士姚明恭致仕

截漕米萬石賑山東

處鄉場貢士順天崔瑀鄧林侶鴻舉停科主考諭德王廷垣中允黃起有各奪歲俸應天毛羽皇侯曦陶元祐停科主考諭德張維機簡討楊觀光各奪俸十月江西龔帝選李益燦停科主考編脩馬世奇禮科右給事中尹洗各奪俸六月陝西劉凝鼎停科主考吏部員外郎熊文舉有另案免議中書舍人李仲熊奪俸六月浙江駱惟恭福建唐名世湖廣劉鍾蓉河南丁光先山東董光裕山西崔志乾四川



李昌祺各停科主考浙江編脩衛胤文吏科給事中顧國寶福建脩撰劉理順兵科左給事中吳甘來湖廣簡討王邵戶科給事中章正宸河南吏部員外郎柴挺然兵部員外郎張若麒山東吏科給事中洪恩昭禮部員外郎吳貞啟山西光祿寺少卿姚鈿戶部主事王追駿各奪俸三月其房考奪俸亦有差

六月辛亥朔習人龍等三道俱進噪騰爭逐之斬首千二百級俘六百人赦其俘伍林等三人為軍鋒

南京提督操江右僉都御史羅元宥罷

壬子兵科左給事中陳啟新言海運之利且臨清副總兵黃胤昌已行之報可命以山東按察僉事來斯行所著膠萊河說

乙丑喻思恂為南京兵部右侍郎

謝陞六年考績進太子太保戶部尚書武英殿大學士蔭中書舍人

唐午太子太保戶部尚書文淵閣大學士蔡國用卒國用字正甫金

谿人萬曆庚戌進士授中書舍人拜御史歷大理寺丞少卿太僕寺

卿工部左右侍郎戊寅六月進禮部尚書兼東閣大學士己卯五月

叙邊功進太子太保戶部尚書文淵閣十一月叙城守進少保吏部

尚書武英殿卒予祭葬贈太保謚文

定國公徐允禎等會議薛國觀事或令致仕或令閑住刑科給事中

袁體言國觀藐上之旨嫉人之能而當事者曰致仕曰冠帶閑住此無他主持在吏部都察院而傳永淳皆國觀之私人固結既久不



暇顧皇上之嚴綸耳

癸酉大學士薛國觀免丁丑八月同相二人已諸相皆罷獨國觀秉

正己郊二月首輔至是因以不次拔自外僚工頗向用之而狼疾

枝害因擬票事批納賄有據被斥

勒鄭世子翊鍾自盡

甲戌禮科右給事中李煬冊封入朝言福建解銀過郊城縣不兵護

工責巡撫山東王國賓國賓言東省沿途原無撥兵命降二級

丁丑國子司業韓四維以濫舉蔣克震議降

刑部主事沈延禧下獄初中書舍人許曦許奏鄭鄞詞連貢士錢霖

子尚賓爭父婢操刃也命逮尚賓道山東死則代者延禧入其賄而

戊寅巡撫延綏右僉都御史劉令譽言開渠道河水田萬畝救荒之

策命漸拓之

中書舍人沈廷揚運萬石自淮安廟灣出海十日抵天津

惠登相走開縣知汝才東竄而楚蜀漸逼因北遁

己卯輯武經七書大全大學士范復粹總裁禮部右侍郎黃錦少詹

事李紹賢副總裁右贊善胡世安脩撰劉理順編脩方拱乾衛胤文

吳國華唐元宸劉正宗黃文煥朱天麟李士淳簡討王用予梁兆陽

廖國鎮為纂脩官

漕河涸

是月戶部右侍郎崔爾進卒



七月庚辰朔令順天戶糧蝗發鈔六十錠收之時京省俱蝗  
山西諸生張訥奏強兵實着上以卧碑有禁令學臣戒飭

辛巳文安之削籍

總兵鄭嘉棟擊賊于觀音山逐北二十里斬首二百餘級張應元窮  
追至甯山殺賊二十騎餘皆釋甲賊渠常國安請降

諭吏部今後各王府長史俱單推

禁應天私錢

壬午故

周裕贈都督同知故

楊倫贈都督僉事故

李德威贈都指揮同知

故

洪啟睿贈刑部尚書

癸未戶科給事中黃雲師劾吏部尚書傅永淳顛倒選法明簽露闕

略無躬核大為溺職

戊子傳諭朕念

皇考皇妣終身繇布閣臣揭止少詹事李紹賢言

不宜澹漠自若不允蓋上託言或別有所感也

楊士聰曰上之感動必有大不安於衷者乃不能引類暢言以

成就君德而反言不宜澹漠何其言之陋也

己丑發二萬金賑順天保定

刑部尚書甄淑以前覆錢尚宥事坐贖免

辛卯官軍敗賊於興山斬三千餘級初張獻忠李自成羅汝才劉國

龍皆劇寇也去年國龍降於楊嗣昌汝才勢孤遂奔四川平賊將軍



左良玉乘賊飲半邊山襲破之  
蒼梧教諭謝允言五事先身範核士行正文體定學規重名器部覆  
從之

吏科給事中王  
言起廢籍章下吏部

壬辰設薊鎮宣府督餉侍郎

刑部侍郎倪思輝疾去

癸巳李紹賢為詹事兼翰林院侍讀學士

令縣令臨難倖逃者緝其家逮之

甲午楊希旦衛景瑗為大理寺左右寺丞進宋賢右副都御史仍巡撫

撫

丙申刑部侍郎王心一罷

廣西道御史魏景琦劾大學士范復粹張四知庸才重任降景琦二

級仍任

丁酉李覺斯為刑部尚書

己亥金光辰為尚寶司丞

錦衣衛左都督孫光先進太子少保

癸卯楊嗣昌戰再失利奏引罪發五萬金犒師

甲辰王佐致仕

故王世德贈兵部右侍郎

丙午故王威贈左都督



是月總兵曹變蛟左光先馬科劉肇基吳三桂合擊建 於黃土臺  
敗之凡三戰松山杏山皆捷建 仍守義州

八月庚戌朔辛亥王道直為都察院左都御史郭建初為工部右侍郎

壬子禮科右給事中李煊言江北旱蝗命各省直有司不許過糶

癸丑楊希旦為南京右僉都御史提督操江

黃道周解學龍逮至廷杖下刑部

尚書司卿馬思理奏牙牌散失命察之

皇六子慈 生皇貴妃田氏出

乙卯 參將李御蘭請教建 仍市賞不許

都督 杜弘域為總兵官鎮守浙江

定淮揚海運五萬石

己未戶部主事兼廷秀奏寬黃道周忤旨杖之百除名追其告身

庚申發倉粟賑河東饑民

賊首高守達率二百騎來奔惠登相邀止百餘騎守達遂為楚軍鋒

辛酉進范復粹張四知少保兼太子太保吏部尚書武英殿大學士

惠登相西走諸軍追至新寧西關高守達陷賊陣賊馬竄禾中相騰

踐逐北二十里稻畦朱殷時炎赫刃甲生烟官軍遂壁風烈鋪共斬

千七百餘級獲馬騾三百頭登相東奔

壬戌衛胤文為國子司業

纂修玉牒成



劉良佐為南京右軍都督府僉書事提督浦口池河進郭可登都督  
僉事

賀一龍突犯霍山太湖上命太監劉元斌率禁軍六千合皖豫兵  
討之破賊于霍山賊竄走尋陷麻城黃梅

癸亥遼東前鋒總兵祖大壽敗建於大山斬九十餘級時建  
千騎運餉瀋陽

甲子昌黎知縣張自槐以糧累自經

乙丑故道御史洪啟遵贈光祿寺少卿

丙寅戶部主事史惇等請歲貢生謁太學立石許之

丁卯起葉廷桂戶部右侍郎白貽清戶部右侍郎督理宣大糧餉施

邦曜為通政司使

常國安前驅擊賊川楚兵繼之斬首二百餘級奔袁壩驛設伏澗中  
宵火出二十里

戊辰覈山西馬價

張應元前驅搏戰令常國安高守達統谷中搗其脇賊伏發國安突  
出四圍奮呼賊驚墜山澗共斬九百級獲甲仗弓矢無算俘渠十七

人降四十人

己巳官軍敗績于土地嶺時張應元汪雲鳳所將楚兵五千皆新募  
未經行陣待賀人龍兵久不至獻忠知無援悉銳來攻應元雲鳳簡  
銳千人搏戰晨至日中未決賊統後新兵皆譁應元中矢突圍出雲



鳳若戰久得脫渴飲水斗餘血凝臆卒兵多潰亡  
庚午山西貢士張永胤言安內二議重久任安百姓攘外二議用土  
著尚智謀賊東奔開縣鄭嘉棟邀擊敗之遂走大昌

羅汝才踞大寧監軍萬元吉遣守備劉正國降丁伍林招之汝才疑  
不赦挾正國東走初汝才與王成功不相能至是成功降于楊嗣昌  
汝才遂殺伍林正國東走巫山勢孤而張獻忠時在巴東巫山遂相  
丙子吏科給事中戴明說言荒極盜起蠢動疊形畿輔按臣以鉅鹿  
武強告中州以輝淇等處陝西按臣以環縣白水告淮揚按臣以舒  
城告潢池弄兵誰非赤子緣撫按有司素不休養凶年不恤盜起  
議剿死於鋒鏑者此百姓也用兵則議加餉死於追呼者亦此百姓  
也今乞責成撫按諸臣以恤荒弭盜為第一事

丁丑進楊嗣昌太子少保

吏科都給事中王請春初捕蝗種事下撫按

福建參將鄭芝龍加署總兵

清澗惠登相素與張獻忠有隙聞羅張既合決計歸順左良玉擊之  
遂乞降良玉撫其衆七千人簡銳隸軍中安其老弱于鄆西以降將  
張一川隸監軍萬元吉

戊寅發三萬賑真定山東河南自十一月朔粥饑民

九月己卯朔徐石麒為光祿寺卿宋師襄為順天府尹



巡撫河南右僉都御史  
報擒斬土寇得旨第平賊為功不必

屢報捷級無裨掃蕩  
山東總兵官楊御蕃敗沃寇於鄆城

庚辰張縉彥為光祿寺少卿  
戶部工兵餉權宜上漕以糧積貯畿輔山東河南各宜預計絹匹

繫內供急需准舊員議折二年

辛巳浙江平陽諸生楊允中敷陳王道投通政司徐石麒不敢封入

允中謂不以堯舜之道告君閉塞言路通政使施邦曜言允中前跡

一日正統辨謂胡元不應稱正朔似矣并湯武漢唐當斥一日宗祖

辨謂成祖不應與太祖並稱祖曰寬大辨謂寬與廢弛有辨大

與迂濶有辨此說近似有理亦非時急

禮科右給事中李煇言宗才保舉之額宜嚴限期宜定薦劾宜慎

壬午余斌劉澤深為兵部右左侍郎楊方盛為南京戶部右侍郎兼

右僉都御史總督糧儲

誅周府宗室在鏞從寇易姓名也

前大學士薛國觀削籍吏部尚書傅永淳南京禮部尚書朱繼祚並

免都察院左副都御史葉有聲下刑部獄前戶部右侍郎常自裕巡

撫宣府右都御史劉永祚平陽知府李燦各令回奏株連頗衆松

江知府方岳貢徵上海積逋忤中書舍人王陞彥呈是陞彥供岳貢

魏國觀七白金命逮岳貢



癸未吏部參進士平原張吉士宜興周世臣俱謁選探籌得武強漢  
川規避統法命削籍永不叙世臣前大學士延儒姪延儒再相世臣  
令吉士訴吏部前文選郎中張維元不法除吉士苑馬寺錄事轉平  
陽推官世臣補永平府簡較轉興化推官  
甲申故士董祚贈上元知縣  
李自成入四川觀音岩三黃嶺又入淨堡初自成犯大昌督師大學  
士楊嗣昌與平賊將軍左良玉扼賊於巴西魚復諸山不得他逸自  
成食盡屢欲自經賴親從雙喜救之因令軍中盡殺所掠婦女以五  
千騎突圍而南嗣昌檄巡撫右僉都御史邵捷春駐大昌道中調度  
捷春謂親歷大昌之上中下馬渡巡察徑上馬渡游擊邵先仲報  
該渡淺涸地平濶難守移隘前十里曰水寨頭觀音巖成三百人自  
成逸入嗣昌劾捷春疎防失事命逮捷春下獄論死  
錢尚賓下鎮撫司

丙戌命南直浙江江西湖廣督糧道護漕舟過淮方還任

聖母御容迎奉內殿  
官軍擊建於香山吳三桂勝之劉肇基稍却

丁亥邗縣盜李際遇由靖邦任辰張鼎等衆至五萬總兵王紹禹遣  
游擊高謙擊之斬二千餘級

戊子許湖州秣充漕時知府陸自巖求改折不許  
刑科給事中胡萬原周萬言臣入掖垣搜討舊聞得后戚彙略則外



咸張國紀所載懿安皇后正位事及國紀三朝始末也客魏包藏禍心臣今日始得其詳自非聖后執德坤貞凝禧協運鮮不岌岌乎其殆矣今日宜加徽號上疑其突發責回奏

己丑免汝州十年前田租

楊嗣昌屯巫山賊渠閔索與其黨王光恩楊光甫來降嗣昌撫之給銀幣所部三千簡銳隸軍自効羅汝才之入川也凡九股至是惟汝才合張獻忠其八相繼降矣嗣昌飛章以聞叙齊文武將士有差

庚寅命戶部察屯田實數

賊屯夔州山背輜重婦女甚多官軍多觀望不前賊趨達州謀西犯辛卯諭災荒停刑又恐人心玩肆其事閔封疆及錢糧剿寇者限刑

部五日具獄

禮部攷正曆法上以太陽經度舊法於春秋二分各差二日及冬至所推月日時刻互異令監局諸臣加訂

壬辰戈允禮馬思理為左右通政

巡按順天御史梁士濟言霜太早傷稼

命有司祭難民瘞暴骸

甲午諭吏部推尚書及保定巡撫今後推侍郎巡撫并及資深翰林著為令

丁酉岷王企鰲與南豐王

交惡南豐王私越關欲奏上而岷王

又言其窟叛事下撫按



御史魏景琦論因西市御史高欽舜工部郎中胡璉等十五人已論  
內臣本清等命馳免因釋十一人本清等還報景琦明日回奏被詰  
蓋上以囚或有聲寃者停刑請旨景琦倉卒不辨命同錦衣衛千  
戶周裕祚白淮下獄  
戊戌李日宣為吏部尚書

兵部上淮兵追剿之捷 上命捷報部即下巡按御史覈報存案俟

寇平彙叙毋零覆

新樂侯劉文炳進少傅詹錦衣衛指揮僉事劉繼祖少保劉文耀左

都督文焯都督同知

己亥楊進為右僉都御史巡撫保定提督紫荆等關

庚子王鐸為南京禮部尚書

賀一龍左金王寇英山霍山間迫鳳陽命撫監協剿

辛丑折徵江南絹布等歲課免隴西五縣逋賦

壬寅故新樂侯劉應元贈瀛國公

癸卯增蘆洲課銀

工科給事中沈胤培請脩 孝廟奉慈殿崇事 聖母御容不允

工部請祈穀奉配 太祖高皇帝仍遵新號行事焚庫內舊存神版

甲辰徐燿為太常寺少卿提督四夷館

錦衣衛左都督孫光先進太子少傅

秦師大敗賊于函谷殲其渠斬數千級餘賊分竄延安慶陽



十月戊申朔逮南京戶部右侍郎常自裕  
壬子故禮部尚書唐大章贈太子少保

逮南京府都督僉事黎廷慶

命抵通漕米每石帶練米八升以山東河南饑十五年為始餘從明

年

癸丑諭吏兵二部左邊文武乏人應督撫鎮題用已有旨各鎮用人  
稟成總督今後文武員闕恪聽督撫鎮選題該部覆用

誅總督兵部尚書熊文燦

甲寅繪 皐考御容百官迎於武英殿入司禮監

徵督理兩浙鹽法太監崔璘

丁巳總督陝西鄭崇儉奪官視事

辛酉廖大亨為右僉都御史巡撫四川

壬戌出萬金市舊綿衣二萬給京師貧民

錢受益為左春坊左庶子方拱乾為右春坊右中允

張獻忠陷劍州

癸亥諭議 孝和皇太后莊妃懿妃等道號

建 經義州總兵官祖大壽先伏精騎五百於朝陽寺黃巖寺擊斬

九十餘級

甲子賊趨廣元走陽平關別出百丈山將入漢中總兵趙光遠嚴守

陽平乃踰昭化走西川



丙寅川兵追賊于劍州敗績失將校四人

丁卯工部請浚胡良河從之

戊辰禮科右給事中李燭言三教一理請 孝定皇太后孝純皇太

后聖號崇之禁中雖可以昭聖果而祀之奉先殿播之史冊似宜仍

前徽稱為正且請矜疑起廢不聽

庚午兵部尚書兼右侍郎事方一藻致仕卒於天津

辛未黃錦為吏部左侍郎行右侍郎事兼翰林院侍讀學士

壬申命翰林官推各部侍郎如吏禮二部例兼侍讀學士銜惟巡撫

不許

癸酉兵科都給事中張縉彥言廣西巡撫林贊為南頭目鄭杜代請

王爵臣攷安南自莫登庸篡逆降封都統迨後黎寧居漆馬江以延

黎祀至黎維潭逐莫元宗歲貢方物 祖神嘉其忠順准襲都統使

今之請封何功也且黎莫相殘犬羊素性忽掠都結州忽興謾詞雖

朝廷事小不靳殊典而交夷要挾豈可飾報即贊以鄭杜世拉國柄

汲、請封亦非為黎固已曠夷德之無厭矣乃又云曉、為有辭於

疆境不敢不達將懾於黎之狡逞乎抑懾於黎之悖慢乎夫其初請

也部覆止給勅獎初請不許要挾而許之失體長傲惟名與器不可

假人如謂姑與之苟且結局則又不然鄭得其志將遂悍橫憂及中

土即欲以茅土之券塞豁壑之欲豈可得哉 上是之

甲戌吏部題選御史 上以科貢並收屢奉明旨今僅鄉舉三人貢



二人不允

衛景瑗王家彥為大理寺左右寺丞

逮前總理河道工部尚書周鼎入去年餘以河淤逮之而見任張國

維不問

故 喬若雲贈太常寺少卿

蔣秉忠嗣定侯

丙子逮巡撫保定右僉都御史黎玉田以部內多盜

降將張一川擊獻忠于梓潼陷陣被擒賊磔之監軍萬元吉命恤其

孥于夷陵

十一月戊寅朔己卯追封悼靈王玄機顯應真君

談遷曰悼靈王終五齡於禮為未成殤其吟嚙之謔語中上所

諱或有物焉以憑之 上素強立亦牀其說封號不經上及母

后下及天監非禮之禮國將亡聽於神諒哉

誅錢尚質戍錢霖及刑部主事沈延禧

庚辰錢士貴為刑部右侍郎趙維岳為太僕寺少卿轄西路

戶部尚書李待問請損交際裁工食為恤窮補匱之計從之

監軍萬元吉饗士于保寧以進止不一用總兵猛如虎為大帥以統

之張應元為副分屯要害以遏賊歸路

壬午廢故大學士張居正曾孫同敞中書舍人先崇禎二年十二月

廢嫡孫縈珩中書舍人



甲申兵部左侍郎余斌協理京營戎政王錫衮蔣德璟為禮部左右侍郎兼翰林院侍讀學士

己丑穆廟惠妃馬氏薨謚端恪

壬辰監生徐仲吉奏黃道周通籍二十載半居墳廬稽古著書晨夜不輟孤踪獨立門無雜賓其一生學力止知君親雖言嘗過艱而志實純忠今喘息僅存猶讀書不倦此臣不為道周惜而為皇上天下萬世惜也天下所以不治皆由臣子不清不勤墮其職業不忠不孝墮其家修道周至清至勤真忠真孝一旦顛躓受禍至此豈不傷天下讀書之心灰海內為善之志乎昔唐太宗恨魏徵之面折至欲殺而終不果漢武帝惡汲黯之直諍雖遠出而實優容皇上方欲遠法堯舜奈何智出漢唐賢主下斷不宜以黨人輕議學行才品之通政司格之不上

癸巳禮部請明年正月上辛日躬祭大饗殿祈穀

上以曠典廢久其議之

甲午戈允禮為順天府尹

丁酉禱雪

戊戌加贈高選光祿寺卿

壬寅上謚皇考靖妃氏恭懿順宣

李紹賢為戶部右侍郎督理京省錢法丁啟睿為兵部右侍郎兼右僉都御史總督陝西河南山西軍務



仇維楨改南京兵部尚書起吳姓兵部左侍郎周堪廢光祿寺少卿  
福世子由築薨

癸卯刑部尚書甄淑下獄追入其贓

工部主事李振聲請限品官占田如一品田十頃屋百間二品以下

逆減章下部議

乙巳改吏部尚書李日宣祭告社稷初命禮部右侍郎蔣德璟以暮

喪辭

南京禮部尚書王鐸夏去

諭兵部機密及秘旨秘諭毋抄傳

建邀我錦州之餉官軍戰於尖山石灰窰斬二十七級

丙午夜官軍襲建營副總兵劉得勝戰沒

是月內丘土寇數千人據周土寨真定官兵及九邑鄉兵攻之不克

河南巡撫李仙風率諸將高謙李建武擊河北賊于菜園斬首一千

三百餘級

十二月丁未朔戊申故大學士薛國觀奏辨不聽下部院勘議限三日

己酉王裕心為右僉都御史巡撫陝西宋攻為太僕寺卿

辛亥張猷忠陷瀘州城三隅臨江立石站可北走萬元吉謀以大

兵自南搗其老營伏兵旁塞賊北竄可以盡殲也及兵至賊先渡

南溪官軍追之不及

癸丑大學士范復粹上百勝錄



乙卯命陝西撫按以故大學士薛國觀入京即訊

丙辰諭刑部繫囚早結毋延斃

丁巳張慎言為南京戶部尚書葉紹顯為大理寺卿李一鵬為左通

政

戊午改封儒學通宣顯應悼靈王去真君號

己未故南京戶部尚書沈懋炳贈太子太保

庚申監生涂仲吉復跡救黃道周 上怒下獄

辛酉王國興許襲伯爵一輩王三錫三益各例授都督同知李國棟

太子太保李垣都督同知傅惟柱右都督李國晏都督同知傅國興

量授錦衣衛正千戶

刑部主事吳文熾以黃道周滯獄杖六十下獄

壬戌高倬為尚寶司少卿

癸亥賊越成都走德陽後至綿河

甲子逮前刑部左侍郎蔡奕琛

乙丑吏部彙叙捐俸官有旨聽諸臣捐非稅之也昨輔臣請捐歲俸

但不必俸

王正志為大理寺右少卿

丁卯張鏡心為兵部左侍郎添設馮元颺為南京通政使

丙子內立土寇千餘人擾神頭村總督楊文岳遣總兵虎大威襲斬

數百級乃平



開州袁時中聚衆數萬破開州時壽州賊有袁老山時中自號小袁  
營以別之是月徵宣府總兵楊國柱大同總兵王樸密雲總兵唐通及曹變蛟  
是月徵宣府總兵楊國柱大同總兵王樸密雲總兵唐通及曹變蛟  
白廣恩山海關總兵馬科遼東總兵吳三桂王廷臣合兵十萬馬四  
萬驛一萬刻期出關初建退義州不出總議督以馬科左光曹變蛟  
之兵入關養銳吳三桂劉肇基往來松山杏山陽示進兵時承疇駐  
寧遠以劉肇基短於調度應革任王廷臣代之左光先遣歸白廣恩  
代之而兵部謂建雖暫退尚在義州我進兵數尚單薄來春敵情  
巨測宜調宣府大同密雲保定之兵合督標關門遼左之衆以厚其  
力數計十五萬庶可成剿從之承疇又奏行間兵數多多益善敢曰  
不善但兵行糧從所費浩大必先筭糧芻足支一年然後會兵各鎮  
庶無饑餓命下戶部救粟自天津海運草束召買於薊永關遼四餉  
司慮不足一年中外再四移商計新舊兵共十萬馬四萬驛一萬蹂  
上遂調八鎮兵東征  
是年兩京山東河南山西陝西浙江大旱蝗至冬大饑人相食草木  
俱盡道殣相望



則畫畫數年

與羊頭菜山東阿蘭山西天四散工大早望

五

日靈不足一

燕無精精命

下



程